

四庫全書薈要

• 乾隆御覽本

史部

欽定四庫全書薈要

史部

史記卷二十三

四

詳校官主事銜臣徐以坤



史記卷二十三

漢 太 史 令司馬遷 撰

宋中郎外兵曹叅軍裴駰集解

唐國子博士弘文館學士司馬貞索隱

唐諸王侍讀率府長史張守節正義

禮書第一

索隱書者五經六籍總名也此之八書紀國家大體班氏謂之志志亦記也正義天地位日月

明四時序陰陽和風雨節羣品滋茂萬物宰制
君臣朝廷尊卑貴賤有序咸謂之禮五經六籍
咸謂之書故曲禮云道德仁義非禮不成教
訓正俗非禮不備分爭辨訟非禮不決云云

太史公曰洋洋美德乎

索隱洋洋音羊洋洋美盛貌郇誕生音翔非也

宰制萬

物役使羣衆豈人力也哉

正義言天地宰制萬物役使羣品順四時而動咸有成功

豈藉人力營為哉是美善盛大衆多之德也故孔子曰四時行焉百物生焉

余至大行禮官

索隱大行秦官主禮儀漢景帝改曰大鴻臚鴻臚者掌九賓之儀也

觀三代損益乃知緣

人情而制禮依人性而作儀其所由來尚矣人道經緯

萬端規矩無所不貫誘進以仁義束縛以刑罰故德厚

者位尊祿重者寵榮所以總一海內而整齊萬民也人

體安駕乘

正義時證反

為之金與錯衡以繁其飾

集解駟案周禮王之

五路有金路鄭玄曰以金飾諸木索隱錯鑄衡軛為文飾也詩曰約軹錯衡毛傳云錯衡文衡也正義為于偽反錯作總

七公反

目好五色為之黼黻文章以表其能耳樂鍾

磬為之調諧八音以蕩其心口甘五味為之庶羞酸醎

以致其美

集解駟案周禮曰羞用百有二十品鄭玄曰羞出于牲及禽獸以備其滋味謂之庶羞鄭

衆曰羞者進也情好珍善為之琢磨圭璧以通其意故大路越

席

集解服虔曰大路祀天車也越席結括草以為席也王肅曰不緣也正義按括草蒲草越戶括反

皮

弁布裳

集解駢案周禮曰王視朝則皮弁之服鄭玄曰皮弁之服十五升白布衣素積為裳也正義以

鹿子皮為弁也按

朱絃洞越

集解鄭玄曰朱絃練朱絲絃也越瑟底孔

大羹

檠積素布為裳也

玄酒

集解鄭玄曰大羹肉清不調以鹽菜也玄酒水也

所以防其淫侈救其彫

敝

索隱彫謂彫飾也言彫飾是奢侈之弊也

是以君臣朝廷尊卑貴賤之序

下及黎庶車輿衣服宮室飲食嫁娶喪祭之分事有宜

適物有節文仲尼曰禘自既灌而往者吾不欲觀之矣

集解孔安國曰禘祫之禮為序昭穆也故毀廟之主及羣廟之主皆合食於太祖灌者酌鬱鬯灌於太祖以降神也既灌之後列尊卑序昭穆而魯周衰禮廢樂壞大逆祀躋僖公亂昭穆故不欲觀之

周衰禮廢樂壞大

小相踰管仲之家兼備三歸

集解包氏曰三歸娶三姓女也婦人謂嫁曰歸循

法守正者見侮於世奢溢僭差者謂之顯榮自子夏門

人之高弟也

索隱言子夏是乃孔子門人之中高弟者謂才優而品第高也故論語四科有文學

子游子夏也

猶云出見紛華盛麗而說入聞夫子之道而樂

二者心戰未能自決而況中庸以下漸漬於失教被服

於成俗乎孔子曰必也正名於衛

集解駟案論語子路曰衛君待子而為政

子將奚先子曰必也正名乎馬融曰正百事之名

所居不合仲尼沒後受業之

徒沈湮而不舉或適齊楚或入河海

正義論語云太師摯適齊亞飯干適

楚鼓方叔入於河少師陽擊磬襄入於海魯哀公時禮樂崩人皆去也

豈不痛哉至秦有

天下悉內六國禮儀采擇其善雖不合聖制其尊君抑

臣朝廷濟濟依古以來

正義秦採擇六國禮儀尊君抑臣朝廷濟濟依古以來典法行

之

至于高祖先有四海叔孫通頗有所增益減損大抵

皆襲秦故

集解應劭曰抵至也臣瓚曰抵歸也索隱按大抵猶大略也臣瓚以抵訓為歸則是大略

大歸其義

正義稱

下至佐僚及宮室官名

皆通于一

自天子稱號

正義稱尺證反

少所變改孝文即位有司議欲定儀禮孝文好道家之

學以為繁禮飾貌無益於治躬化謂何耳

正義孝文本紀云上身衣

弋綈所幸慎夫人令衣不曳地幃帳不得文繡治霸陵皆以瓦器是躬化節儉謂何嫌耳不須繁禮飾貌也

故罷去之孝景時御史大夫鼂錯明於世務刑名數干

諫孝景曰諸侯藩輔臣子一例古今之制也今大國專

治異政不稟京師恐不可傳後孝景用其計而六國畔

逆

正義吳楚趙菑川濟南膠西為六國也齊孝王狐疑城守三國兵圍齊齊使路中大夫告天子故不言七

國

以錯首名天子誅錯以解難

正義上紀買反下乃憚反

事在袁盎

語中是後官者養交安祿而已莫敢復議今上即位招致儒術之士令共定儀十餘年不就或言古者太平萬

民和喜瑞應辨至

正義辨音遍

乃采風俗定制作上聞之制

詔御史曰蓋受命而王各有所由興殊路而同歸謂因

民而作追俗為制也議者咸稱太古百姓何望漢亦一

家之事典法不傳謂子孫何化隆者閎博治淺者褊狹

可不勉與乃以太初之元改正朔

集解應劭曰初用夏正以正月為歲首改

年為太初

易服色封泰山定宗廟百官之儀以為典常垂之

於後云

禮由人起人生有欲欲而不得則不能無忿忿而無

度量則爭

正義
音詳

爭則亂先王惡其亂故制禮義以分

之養人之欲給人之求使欲不窮於物物不屈於欲

正義屈

羣物反

二者相待而長是禮之所起也故禮者養也

稻粱五味所以養口也椒蘭芬苾所以養鼻也

索隱
苾音

止又音

昌改反

鍾鼓管絃所以養耳也刻鏤文章所以養目

也疏房牀第几席所以養體也

集解服虔曰簣謂之
第索隱疏謂窓也正

義第側

里反

故禮者養也君子既得其養又好其辨也所

謂辨者貴賤有等長少有差貧富輕重皆有稱也故

天子大路越席所以養體也

正義謂蒲草為席既潔且柔潔可以祀神柔可

以養體也側載臭茝所以養鼻也

索隱劉氏云側特也臭香也茝香草也言天子

行特得以香草自隨也其餘則否臭為香者山海經云臭如蘼蕪易曰其臭如蘭是臭為草之香也今以

側為邊側載者置也言天子之側常置芳香於左右

前有錯衡所以養目也

注見

前和鸞之聲

集解鄭玄曰和鸞皆鈴也所以為車行節也韓詩內傳曰鸞在衡和在軾前升

車則馬動馬動則鸞鳴鸞鳴則和應服虔曰鸞在鑣和在衡續漢書與服志曰鸞雀立衡也正義皇侃云鸞以金為鸞懸鈴其中於衡上以為遲疾之節所以正威儀行舒疾也

步中武象驟中

韶濩所以養耳也

集解鄭玄曰武武王樂也象武舞也韶舜樂也濩湯樂也正義步猶

緩緩車則和鸞之音中於武象驟車中於韶濩也

龍旂九旂所以養信也

集解

駟案周禮曰交龍

寢兕持虎鮫韞

集解徐廣曰鮫魚皮可以飾服器音

為旂正義旂音旒

交韞者當馬掖之革音呼見反索隱寢兕者以兕牛

皮為席持虎者以猛獸皮文飾倚較及伏軾故云持

虎劉氏云畫於旌竿及楯杖等以今所見為說也鮫

韞者以鮫魚皮飾韞韞馬腹帶也正義兕音似爾雅

云兕似牛彌龍所以養威也

集解徐廣曰乘輿車金薄瑇

衛輶索隱彌亦音弭謂金飾衛輶為龍此皆王者服

御崇飾所以示威武故云所以養威也此文皆出大

戴禮蓋是荀卿所說劉氏云故大路之馬必信至教

薄猶飾也瑇然龍貌音虬

順然後乘之所以養安也孰知夫士出死要節之所

以養生也

索隱言人誰知夫志士推誠守死要立名節仍是養生安身之本故下云人苟生之

為見若者必死是解上意言人苟以貪生之為見不能見危致命若者必死若猶如也言執心為見如此者必刑戮及身故云必死下文皆放此也正義夫音扶要音腰孰知猶審知也出死猶處死也審知志士推誠處死要立名節若曹

孰知夫輕費用之所以養

沫茅焦所以養生命也

財也

正義費音芳味反輕猶薄言審知甚薄費用則能畜聚所以養財貨也

孰知夫恭

敬辭讓之所以養安也

正義言審知恭敬辭讓所以養體安身

孰知夫

禮義文理之所以養情也

正義言審知禮義文章道理所以養其情性此四科

是儒者有禮義故兩得之也

人苟生之為見若者必死

正義苟且若如此也

言平凡好生之人且見操節之士以禮義處死養得其生有殺如此者必死也苟利之為見

若者必害

正義言平凡好利之人且見利義之士以輕省費用養得其財有殺如此者必害身

也

怠惰之為安若者必危

正義惰徒卧反言平凡怠惰之人且見有禮之士以

恭敬禮讓養得安樂有

情勝之為安若者必滅

索隱覆解

上禮義文理之所以養情也正義言平凡好勝之人且見利義之士禮義文理養得其情性有效如此者必滅亡也此四科是墨者無禮義故兩失之也故聖人一之於禮義則兩得

之矣一之於情性則兩失之矣故儒者將使人兩得

之者也墨者將使人兩失之者也

索隱墨者不尚禮義而任儉嗇無仁

思故使人兩失之易曰悅以使人人忘其死是也

是儒墨之分

正義分音扶問反分猶等

也若儒等者是治辯之極彊固之本威行之道功名之總則天下歸矣

治辯之極也彊

固之本也

索隱自此已下皆是儒分之功也正義固堅固也言國以禮義四方欽仰無有攻伐

故為彊而且

威行之道也

正義以禮義導天下天下伏而歸之故為威行之道

也

功名之總也

正義以禮義率天下天下咸遵之故為功名之總總合也聚也

王公

由之

正義由禮義也

所以一天下臣諸侯也弗由之所以捐

社稷也故堅革利兵不足以為勝

索隱覆上功名之總也

高城

深池不足以為固嚴令繁刑不足以為威由其道則

行不由其道則廢楚人鮫革犀兕所以為甲堅如金

石宛之鉅鐵

集解徐廣曰大剛曰鉅正義宛城今鄧州南陽縣城是音於元反鉅剛鐵也

施鑽如蠶蠶

索隱鑽謂矛刃及矢鏃也輕利剽激正義上匹妙反下音速剽激疾

也卒如燁風

正義卒村忽反燁必遙反燁風疾也然而兵殆於垂涉唐

昧死焉

集解許慎曰垂涉地名也莊躋起楚分而為四索隱躋音其畧反楚

將之名言其起兵亂後楚遂分為四按漢志滇王莊躋之後也正義以起字為絕句或云楚莊王苗裔也括地志云師州黎州在京西南五千六百七十里戰國楚威王時莊躋王滇則為滇國之地楚昭王徙都郢莊躋王滇楚襄王徙都陳楚考烈王徙都壽春咸被秦逼乃四分也然昭王雖在莊躋之前故荀卿兼

言之也

參是豈無堅革利兵哉

索隱參者驗也言驗是楚豈無利兵哉正義參

七舍反言躡楚國豈無堅甲利兵哉為其不由禮義故衆分也

其所以統之者非其

道故也汝潁以為險

正義括地志云汝水源出汝州魯山縣西伏牛山亦名猛山汝

水至豫州郾城縣名潁水爾雅云河有淮汝有潁亦汝之別名潁水源出洛州嵩高縣東南三十五里陽乾山俗名潁山地理志高陵山汝水出東南至新蔡縣入淮陽乾江山潁水出東至下蔡入淮也江漢以為池

正義江即岷江從蜀入楚在荊州南漢江從漢中東南入江四水為楚之險固也

阻之以鄧林緣之以方城

集解駟案山海經曰夸父與日逐走日入渴欲得飲

飲於河渭不足北飲大澤未至道渴而死棄其杖化為鄧林駟謂鄧林後遂為林名索隱按裴氏引山海

經以為夸父棄杖為鄧林其言北飲大澤蓋非在中國也劉氏以為今襄州南鳳林山是古鄧祁侯之國在楚之北境故云阻以鄧林也正義括地志云方城房州竹山縣東南四十一里其山頂上平四面險峻山南有城長十餘里名為方城即此山也然而秦師至鄢郢舉若振槁索隱振動也擊也槁乾葉也正義鄢音郢括地志云古城在襄州安養縣北三里古鄢子之國鄧之南鄢也又率道縣南九里有故郢城漢惠帝改曰宜城也郢城荊州江陵縣東北六里即吳公子光伐楚楚平王恐城郢者也又楚武王始都郢絕南故城是也在江陵北十五里是豈無固塞險阻哉

其所以統之者非其道故也紂剖比干囚箕子為炮烙刑殺無辜時臣下懍然莫必其命

索隱言無人必保其性命

然

而周師至而令不行乎下不能用其民是豈令不嚴
刑不峻哉其所以統之者非其道故也古者之兵戈

矛弓矢而已然而敵國不待試而訕

集解徐廣曰試一作誠也正義

訕丘勿反
試用也

城郭不集溝池不掘

正義掘音求勿反又音求厥反

固塞

不樹機變不張然而國晏然不畏外而固者無他故

焉明道而均分之

正義分音扶問反言明儒墨之分使禮義均等則下應之如影響耳

時使而誠愛之則下應之如景響有不由命者然後

俟之以刑則民知臯矣

正義事君以禮義民有不由禮義者然後待之以刑則民

知罪伏
刑矣

故刑一人而天下服，臯人不尤其上，知臯之

在已也。是故刑罰省而威行如流，無他故焉。由其道

故也。故由其道則行，不由其道則廢。古者帝堯之治

天下也，蓋殺一人，刑三人，而天下治。傳曰：威厲而不

試，刑措而不用。天地者，生之本也；先祖者，類之本也；

正義類
種類也

君師者，治之本也；無天地惡生

正義惡
音烏

無先

祖惡出，無君師惡治。三者偏亡，則無安人。

索隱：鄒氏
偏音遍，正

義偏正
然反

故禮上事天下，事地尊先祖，而隆君師，是禮

之三本也故王者天太祖

集解駉案毛詩叙曰文武之功起於后稷故推以配

天諸侯不敢懷

索隱懷思也言諸侯不敢思以太祖配天而食也又一解王之子孫為諸

侯不思祀其父祖故禮云諸

侯不敢祖天子蓋與此同意

大夫士有常宗

集解駉案禮記

曰別子為祖繼別為宗百世不遷者謂別子之後也

所以辨貴賤貴賤治得之

本也郊疇乎天子

索隱疇類也天子類得郊天餘並不合祭今大戴禮作郊止乎天子

當是也止或作疇因誤耳

社至乎諸侯

索隱言天子已下至諸侯得立社

函及士

大夫

集解函音含索隱含謂包容諸侯已下至士大夫得祭社故禮云大夫成羣立社曰置社亦曰

里社也鄒誕生音昭徒濫反意義亦通但不見古文各以意為說耳今按大戴禮作導及士大夫導亦通

也今此為啗者當以導與蹈同後足字失所以辨尊止唯有口存故使解者得以穿鑿而用也

者事尊卑者事卑宜鉅者鉅宜小者小故有天下者

事七世有一國者事五世有五乘之地者事三世

集解

鄭玄曰古者方十里其中六十有三乘之地者事二

世集解駟案穀梁傳曰天子至于士皆有廟天子有七諸侯五大夫三士二始封之者必為其太祖

特牲而食者不得立宗廟集解駟案禮記曰庶人祭於寢所以辨積

厚者流澤廣積薄者流澤狹也大饗上玄尊俎上腥

魚集解鄭玄曰大享祫祭先王先大羹貴食飲之本以腥魚為俎實不膳熟之也

也大饗上玄尊而用薄酒食先黍稷而飯稻粱祭嘯

先大羹

集解鄭玄曰嘯至齒

而飽庶羞貴本而親用也貴本之

謂文親用之謂理兩者合而成文以歸太一是謂太

隆

索隱貴本親用兩者合而成文以歸於太一太一者天地之本也得禮之文理是合於太一也隆者

盛也高也得禮文理歸於太一是謂禮之盛也

故尊之上玄尊也

正義皇侃云玄酒水

也上古未有酒而始之祭但酌水用之至晚世雖有酒存古禮尚用水代酒也

俎之上腥魚

也豆之上大羹一也

索隱尊之上玄尊俎之上腥魚豆之上大羹三者如一皆是本

故云一也利爵弗啐也

集解鄭玄曰啐入口也索隱按儀禮祭畢獻祝西面告成是為利爵

祭初未行無算爵故不啐入口也

成事俎弗嘗也

索隱成事卒哭之祭故記曰卒哭曰

成事既是卒哭始從吉祭故受胙爵而不嘗俎也

三宥之弗食也

索隱禮祭必立宥以

勸尸食至三飯而後止每飯有宥一人故有三宥既是勸尸故不相食也

大昏之未廢齊

也

索隱廢齊謂婚禮父親醮子而迎之前故曲禮云齊戒以告鬼神是昏禮有齊也

大廟之

未內尸也始絕之未小歛一也

索隱此五者皆以禮之初始質而未備亦

是貴本之義故云一也

大路之素幘也

集解駟案禮記曰乘素車貴其質也鄭玄曰素

車殷輅也索隱幘音稠謂車蓋以素帷亦質之也

郊之麻紼

集解駟案周禮曰王祀昊天上帝

服大裘而冕論語曰麻冕禮也孔安國曰冕緇布冠古者績麻三十升布以為之正義紼音免亦作冕

喪服之先散麻一也

集解駢案儀禮士喪禮曰始死主人散帶垂之三尺禮記曰大

功已上散帶也索隱大路已下三事相似如三年哭

一故云一也

散麻取其質無文飾亦貴本也

之不反也

集解駢案禮記曰斬衰之哭若往而不反清廟之歌

集解鄭玄曰清廟謂

作樂歌

一倡而三嘆

集解鄭玄曰倡發歌句者三嘆三人從嘆縣一鍾尚

清廟

拊膈

集解徐廣曰一作搏膈索隱縣音懸拊音撫膈音格膈縣鍾格也不擊其鍾而拊其格不取其

聲亦質也鄒氏膈音膊蓋依大戴禮也而鄭注禮云搏拊机啟也

朱絃而通越一也

索隱大瑟而練朱其絃又通其下孔使聲濁且遲上

質而貴本不取其聲文自三年已下四事皆不取其

聲

凡禮始乎脫

索隱脫猶疎略也始初也言禮之初尚疏略也成乎文

索隱言禮

成就有文飾也

終乎稅

集解徐廣曰一作悅索隱稅音悅言禮終卒和悅人情大戴禮作終於隆

隆盛也

故至備情文俱盡

集解徐廣曰古情字或假借作請諸子中多有此比正義

言情文俱盡言

其次情文代勝

索隱音昇又音尸證反或文勝情情勝文

是情文更代相勝大戴禮作迭興

其下復情以歸太一

索隱言其次情文俱失歸

心渾沌天地之初復禮之本是歸太一也

天地以合日月以明四時以序

星辰以行江河以流萬物以昌好惡以節喜怒以當

以為下則順以為上則明

正義自天地以下八事大禮之備情文俱盡故用為

下則順用為上則明也

太史公曰至矣哉

索隱已下亦是太史公取荀卿禮論之意

極言禮之損益以結禮書之論也

立隆以為極而天下莫之能益損

也本末相順

索隱謂禮之盛文理合以歸太一至禮之殺復情以歸太一隆殺皆歸太一者

是本末

終始相應

索隱禮始於脫畧終於稅稅亦殺也殺與脫畧是始終相應也正義

相順也

應乙陵

至文有以辨

索隱言禮之至文能辨尊卑貴賤故云有以辨也

至察

反當也

有以說

索隱言禮之至察有以明隆殺損益委曲情文足以悅人心故云有以說也

天下

從之者治不從者亂從之者安不從者危小人不能

則也

正義小人猶庶人也則法也言天下士以上至於帝王能從禮者則治安不能從禮者則危亂

庶人據於事不能法禮也

禮之貌誠深矣堅白同異之察入焉而

弱

索隱有本作懇誠深者非也正義言禮之貌信深厚矣雖有鄒子堅白同異之辨明察入於禮義之

中自然成懦弱敗壞之體也

其貌誠大矣擅作典制褊陋之說入

焉而嘽

索隱言擅作典制褊陋之說入禮則自嘽望知其小矣正義言禮之貌信廣大矣雖有擅

作典制褊陋之說文辭入於禮義之中自然成淫俗褊陋之言

其貌誠高矣暴慢恣

睢輕俗以為高之屬入焉而墜

索隱恣睢猶毀訾也言訾毀禮者自取墜

滅正義言禮之貌信尊高矣雖有暴慢恣睢輕俗以為高之屬入於禮義之中自然成墜落暴慢輕俗之

人故繩誠陳

集解鄭玄曰誠猶審也陳設也謂彈畫也

則不可欺以曲直

衡誠縣

集解鄭玄曰衡稱也縣謂鍾也正義音懸

則不可欺以輕重規矩

誠錯

索隱錯置也規車也矩曲尺也正義錯七故反

則不可欺以方員君子

審禮則不可欺以詐偽

正義詐偽謂堅白同異擅作典制暴戾恣睢自高也故陳

繩曲直定懸衡輕重分錯規矩方員審禮詐偽自消滅矣

故繩者直之至也衡者

平之至也規矩者方員之至也禮者人道之極也然

而不法禮者不足禮謂之無方之民

集解鄭玄曰法方猶道也

法

禮足禮謂之有方之士禮之中能思索

索隱索求也

謂之

能慮能慮勿易

正義易謂輕易也

謂之能固能慮能固加好

之焉聖矣

正義好火到反言人以得禮之中又能思審索求其禮謂之能思慮又不輕易其禮

謂之能堅固能慮能固其禮更加好之乃聖人矣

天者高之極也地者下之

極也日月者明之極也無窮者廣大之極也聖人者

道之極也

正義道謂禮義也言人有禮義則為聖人比於天地日月廣大之極也

以財

物為用以貴賤為文以多少為異以隆殺為要

索隱隆猶

厚也殺猶薄也

文貌繁情欲省禮之隆也文貌省情欲繁禮

之殺也文貌情欲相為内外表裏並行而雜禮之中

流也

正義言文飾情用表裏外内合於儒墨是得禮情之中而流行不息也

君子上致

其隆下盡其殺而中處其中

正義中謂情文也

步驟馳騁廣

驚不外

正義驚音務言君子之人上存文飾下務減省而合情文處得其縱有戰陣殺戮邪惡

則不棄於禮義矣三皇步五帝驟三王馳五伯驚也

是以君子之性守宮庭也

索隱言其性守正不謾遠行如常守宮庭也正義

人

宮庭聽朝處喻君子心內常守禮義若宮庭焉

域是域士君子也

索隱域居也言君子之行非人居弗居也正義處平凡人域之中能

知禮義之域限即

外是民也

索隱外謂人域之外非人所居之地以喻禮義

為士及君子也

之外別為他行即是

於是中馬房皇周浹曲直得其

小人故云外是人也

次序聖人也

索隱房音旁旁皇猶徘徊也周浹猶周匝言徘徊周浹委曲得禮之序動不失

中則是聖人之行也

故厚者禮之積也大者禮之廣也

索隱言君子聖

人有厚大之德則為理之所歸積益弘廣也故曰甘
受和白受采忠信之人可以學禮苟無忠信之人則
禮不虛道然此文皆荀卿禮論之所載者也
高者禮之隆也明者禮之盡也
正義言君子內守其禮德厚大積廣至於高尊明
禮則是禮之終竟也此書是褚先生取荀卿禮論
之兼為

索隱述贊曰禮因人心非從天下合誠飾貌救弊興
雅以制黎甿以事宗社情文可重豐殺難假仲尼坐
樹孫通範野聖人
作教罔不由者

史記卷二十三

史記卷二十三考證

禮書故制禮義以分之○秦藩本凌本皆無分之二字
二者相待而長○荀子禮論作相持而長

疏房牀第几席所以養體也○別本無几席二字凌本

以為二字疑衍

臣照

按禮論疏房檼類牀第几筵所

以養體也此特刪撮之耳未必衍也

側載臭茵○按荀子禮論作側載罽芷

寢兕持虎鮫鞞彌龍集解徐廣曰乘輿車金薄璆龍為

輿倚較○

臣世駿

按徐廣所云蓋本續漢書輿服志文

劉昭注又引徐廣曰繆交錯之形也則字作繆不作
璆明矣索隱云璆然龍貌非是

必信至教順○禮論作倍至教順

情勝之為安○禮論作情說一本作情性

是儒墨之分索隱易曰悅以使人人忘其死是也○易
作說以先民民忘其勞說以犯難民忘其死

彊固之本也○荀子議兵篇作彊國

弗由之所以捐社稷也○議兵篇捐作隕

宛之鉅鐵施鑽如逢蠱○臣照按議兵篇云宛鉅鐵鉤

慘如逢蠱楊倞注云鉤與鉤同矛也正義斷句誤

然而兵殆於垂涉○議兵篇作垂沙楊倞曰漢地志沛國有垂鄉

莊躋起楚分而為四正義括地志云師州黎州在京西南五千六百七十里○唐無師州地理志云黎州至京師二千九百五十里

參是豈無堅革利兵哉○

臣照

按議兵篇云莊蹻起楚

分而為四參蓋參即三字原屬上句索隱正義蓋仍傳襲之訛而強為之解

汝潁以為險正義地理志陽乾江山潁水出東至下蔡入淮也○陽乾山名江字衍

不畏外而固者○議兵篇作不畏外而明內

諸侯不敢懷○禮論作壞楊倞注云司馬貞云思也蓋誤耳

所以辨貴賤貴賤治得之本也○禮論作所以別貴始
貴始得之本也楊倞注云得當為德言德之本在貴
始穀梁傳有此語

函及士大夫○函啗字之誤禮論楊倞注引司馬貞曰
啗音含苞也言士大夫皆得苞立社

有特牲而食者○禮論作持手而食者
利爵弗啐也○禮論啐作醺

三宥之弗食也○禮論作三臭

大昏之未廢齊也○禮論作發齊

大路之素幘也○禮論作大路之素未集也

朱弦而通越○

臣照

按楊倞注禮論引史記作洞越今

本作通轉與荀子不異倞唐人所見本必不誤

始乎脫成乎文終乎稅○按禮論作始乎稅成乎文終
乎悅校

以為下則順以為上則明太史公曰至矣哉○按禮論
以為上則明下云萬物變而不亂貳之則喪也禮豈

不至矣哉

禮之貌誠深矣○禮論貌作理

入焉而弱○禮論弱作溺

入焉而噤○禮論噤作喪

廣鶩不外○廣鶩禮論作厲鶩

是以君子之性守宮庭也○性守禮論作壇宇

明者禮之盡也正義此書是褚先生取荀卿禮論兼為
之○臣照按自禮由人起至儒墨之分出於禮論自

治辨之極也至刑措而不用出於議兵篇自天地者
生之本也至末又出禮論張晏所稱褚先生補書惟
孝武本紀三王世家日者列傳龜英列傳未嘗及禮
書也今攷太史公曰洋洋美德乎以下至垂之於後
云句所為太史公禮書當如是止矣其禮由人起以
下則後人少其書而取荀卿子文補之耳不知禮意
禮制已備舉數百言之內不必復補也若夫割裁禮
論之文橫加太史公曰四字作禮書贊則謬戾已甚

恐褚先生不至是

史記卷二十三考證

史記卷二十四

漢 太 史 令司馬遷 撰

宋中郎外兵曹參軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

樂書第二

正義天有日月星辰地有山陵河海歲有萬物
成熟國有聖賢宮觀周域官僚人有言語衣服

體貌端脩咸謂之樂樂書者猶樂記也鄭玄云以其記樂之義也此於別錄屬樂記蓋十一篇合為一篇十一篇者有樂本有樂論有樂施有樂言有樂禮有樂情有樂化有樂象有賓牟賈有師乙有魏文侯今雖合之亦畧有分焉劉向校書得樂書二十三篇著於別錄今樂記惟有十一篇其名猶存也

太史公曰余每讀虞書至於君臣相敕維是幾安而股肱不良萬事墮壞未嘗不流涕也成王作頌推已懲艾

正義
音刈

悲彼家難

正義乃憚反家難謂文王囚羑里武王伐紂

可不謂戰戰恐

懼善守善終哉

正義言成王作頌悲文王戰戰恐懼推已戒勵為治是善守善終也

君子

不為約則脩德

正義為
于偽反

滿則棄禮佚能思初安能惟始

沐浴膏澤而歌詠勤苦非大德誰能如斯傳曰治定功

成禮樂乃興海內人道益深其德益至所樂者益異滿

而不損則溢盈而不持則傾凡作樂者所以節樂

正義
音洛

言不樂至
荒淫也

君子以謙退為禮以損減為樂樂其如此也

以為州異國殊情習不同故博采風俗協比聲律

正義
比音

鼻以補短移化助流政教天子躬於明堂臨觀而萬民

咸蕩滌邪穢斟酌飽滿以飾厥性故云雅頌之音理而

民正噪噉之聲興而士奮

索隱噪音姑堯反又音叫噉音擊

鄭衛之曲

動而心淫及其調和諧合鳥獸盡感而沉懷五常含好

惡自然之勢也治道虧缺而鄭音興起封君世辟

索隱辟亦

君也正義辟并亦反

名顯鄰州爭以相高自仲尼不能與齊優遂

客於魯

索隱齊人歸女樂而孔子行言不能遂客於魯而去也或作逐客誤矣

雖退正樂

以誘世作五章以刺時

索隱按家語云孔子啜季桓子作歌引詩曰彼婦之口可以出

走彼婦之謂可以死敗優哉游哉聊以卒歲此是五章之刺也

猶莫之化陵遲以至六

國流沔沈佚遂往不反卒於喪身滅宗并國於秦秦二

世尤以為娛丞相李斯進諫曰放棄詩書極意聲色祖

伊所以懼也

正義祖伊諫殷紂紂不聽孔安國云祖已後賢臣也

輕積細過恣心

長夜紂所以亡也趙高曰五帝三王樂各殊名示不相

襲上自朝廷下至人民得以接歡喜合殷勤非此和說不通

解澤不流

正義說音悅解音蟹言非此和適懌悅之事不通解散恩澤之事不流各一世之化也諫

二世故名之也

亦各一世之化度時之樂何必華山之騷耳而

後行遠乎二世然之高祖過沛詩三侯之章令小兒歌

之索隱按過沛詩即大風歌也其辭曰大風起兮雲飛揚威加海內兮歸故鄉安得猛士兮守四方是也侯

語辭也詩曰侯其禕而者是也兮亦語辭也沛詩有三分故云三侯也

高祖崩令沛得以

四時歌儗宗廟孝惠孝文孝景無所增更於樂府習常

肆舊而已

正義肆音異

至今上即位作十九章

索隱按禮樂志安世房中

樂有十

九章令侍中李延年次序其聲拜為協律都尉通一

經之士不能獨知其辭皆集會五經家相與共講習讀

之乃能通知其意多爾雅之文漢家常以正月上辛祠

太一甘泉以昏時夜祠到明而終常有流星經於祠壇

上使僮男僮女七十人俱歌春歌青陽夏歌朱明

集解曰

爾雅云春日青陽夏曰朱明

秋歌西皞

集解章昭曰西方少皞也

冬歌玄冥

正義禮記

月令云元冥水官也

世多有故不論

索隱言四時歌多有其詞故此不論載今見漢書禮樂志

又嘗得神馬渥洼水中

集解李斐曰南陽新野有暴利長當武帝時遭刑屯田燉煌界

人數於此水旁見羣野馬中有奇異者與凡馬異來飲此水傍利長先為土人持勒鞞於水傍後馬玩習久之代土人持勒鞞收得其馬獻之欲神異此馬云從水中出蘇林曰洼音窪曲之窪也索隱洼音烏花反蘇林音

窪窪即

復次以為太一之歌歌曲曰太一貢兮天馬下

索隱按禮樂志貢作沉沉與貢意亦通正義太一北極大星也

霑赤汗兮沫流赭

集解應劭

曰大宛馬汗血霑濡也流沫如赭

騁容與兮蹕萬里

集解孟康曰蹕音逝如淳曰蹕謂超

踰也索隱鄒誕生
云跽一作世音跽

今安匹兮龍與友後伐大宛得千里

馬馬名蒲梢

集解應劭曰大宛舊有天馬種蹋石汗血
汗從前肩膊出如血號一日千里索隱梢

音史交反又
作騷亦同音

次作以為歌歌詩曰天馬來兮從西極經

萬里兮歸有德承靈威兮降外國涉流沙兮四夷服中
尉汲黯進曰凡王者作樂上以承祖宗下以化兆民今
陛下得馬詩以為歌協於宗廟先帝百姓豈能知其音
邪上默然不悅丞相公孫弘曰黯誹謗聖制當族

凡音之起由人心生也

正義皇侃云此章有三品故
名為樂本備言音聲所起故

名樂本夫樂之起其事有二一是人心感樂樂人心
聲從心而生一事樂感人心心隨樂聲而變也

之動物使之然也

正義物者外境也外有善惡來觸於心則應觸而動故云物使之然

也

感於物而動故形於聲

集解鄭玄曰宮商角徵羽雜比曰音單出曰聲形猶

見也王肅曰物事也謂哀樂喜怒和敬之事感人而動見於聲

聲相應故生變

集解鄭玄

曰樂之器彈其宮則衆宮應然而不足樂是以變之使雜也正義崔靈恩云緣五聲各自相應不足為樂

故變使雜令

變成方謂之音

集解鄭玄曰方猶文章正義皇侃云單聲不足

聲音諧和也

故變雜五聲使交錯

比音而樂之及于戚羽旋謂之

成文乃謂為音也

樂也

集解鄭玄曰干楯也戚斧也武舞所執也羽翟羽也旋旄牛尾文舞所執也正義比音鼻次也

音五音也言五音雖雜猶未足為樂復須次比器之音及文武所執之物共相諧會乃是由音得名為樂

武陰文陽故所執有輕重異

樂者音之所由生也

正義合音乃成樂是樂由音而

生諸樂生起所由之生也

其本在人心感於物也

正義本猶初也物外境也言將

欲明樂隨心見故更陳此句也

是故其哀心感者其聲嘯以殺

集解鄭玄

曰嘯蹶也索隱嘯音如字鄭誕生作嘯音將妙反正義殺所介反嘯蹶急也若外境痛苦則其心哀戚哀戚在心故樂聲蹶急而殺也此下六者皆人君見前境來感已而制樂音隨心見之也

其樂心

感者其聲嘽以緩

集解鄭玄曰嘽寬綽之貌正義嘽寬也若外境可美則其心歡樂歡

樂在心故樂聲必隨而寬緩也

其喜心感者其聲發以散

集解鄭玄曰發揚也

正義若外境會意其心喜悅
悅喜在心故樂聲發揚也

其怒心感者其聲麤以

厲

正義若外境乖失故已心怒志怒隨心心隨
怒而發揚故無輟破則樂聲麤彊而嚴厲也

其敬

心感者其聲直以廉

正義廉隅也若外境尊高故已
心悚敬悚敬在內則樂聲直而

有廉
角也

其愛心感者其聲和以柔

正義柔軟也若外境
憐慕故已心愛惜愛

惜在內則
樂和柔也

六者非性也

正義性本靜寂無此六事六
事之生由應感見而動故云

非性
感於物而後動

集解鄭玄曰言人
聲在所見非有常

是故先王慎所

以感之

正義六事隨見而動非關本性先王聖人在
上制正禮以防之故先王慎所以感之者也

故禮以導其志樂以和其聲政以一其行

正義胡
孟反刑

以防其姦禮樂刑政其極一也

集解鄭玄曰極至也正義四事防慎所感

之由也用禮教尊其志用世樂諧和其聲用法律齊其行用刑辟防其凶民不復流僻徒感防之使同其

一敬不為非

所以同民心而出治道也

集解鄭玄曰此其所謂至

也極至也

也正義上四事功成民同其心俱不邪僻故治道出也民心所觸有前六者不同故聖人用後四者制之

凡音者生人心者也

正義此樂本章第二段明樂感人心也人心即君人心也樂音

善惡由君上心之所好故云生於人心者也

情動於中故形於聲

正義情君之情

也中猶心也心既感物而動故形見於聲也

聲成文謂之音

正義謂之音清濁雖異各

見於外成於文

是故治世之音安以樂其政和

正義樂音

洛言平理之世其樂音安靜而歡樂也

亂世之音怨以怒其政乖

集解徐廣

曰一作煩正義亂世之音民心怨

亡國之音哀以思

怒樂聲亦怨由其政乖僻故也

其民困

正義思音四亡國謂將欲滅亡之國樂音悲哀而愁思亡國之時民之心哀思其樂音亦

哀思由其民困苦故也

聲音之道與政通矣

集解鄭玄曰言以八音和否隨政也

正義政和則聲音安樂政乖則聲音怨怒是聲音之道與政通矣

宮為君

集解王肅曰居中總

四方索隱宮絃最大用八十一絲聲重而尊故為君正義宮屬土居中中央總四方君之象也

商為

臣集解王肅曰秋義斷索隱商是金金為決斷臣事也絃用七十二絲次宮如臣次君者也

角為

民

集解王肅曰春物並生各以區別民之象也索隱絃用六十四絲聲居宮羽之中比君為劣比物為

優故音清濁中人之象也正義

徵為事

集解王肅曰夏物盛故事

多索隱徵屬夏夏時生長萬物皆成形體事亦有體故配事絃用五十四絲正義徵屬火以其徵清事之象也羽為物

集解王肅曰冬物聚索隱羽為水寂清物之象故為物絃用四十八絲

五者

不亂則無滯之音矣

集解鄭玄曰滯弊敗不和之貌也索隱又一本作怠滯

省也正義怠弊也滯敗也君臣民事物五者各得其用不相壞亂則五音之響無弊敗也

宮亂則

荒其君驕

集解鄭玄曰荒猶散正義官亂則其聲放散由其君驕溢故也

商亂則槌

其臣壞

集解徐廣曰槌今禮作陂也索隱槌音都回反陂音詖正義商音亂其聲詖邪不正由其

臣不理於角亂則憂其民怨

正義角音亂其聲憂

愁由政虐民怨故也徵

亂則哀其事勤

正義徵音亂其聲哀苦由繇役不休其民事勤勞

羽亂則危

其財匱

正義羽音亂其聲傾危由君賦重於其民貧乏故也

五者皆亂迭相陵

謂之慢

正義迭音也陵越也五聲並不和則君臣上下互相陵越所以謂之為慢也

如此

則國之滅亡無日矣

集解鄭玄曰君臣民事物也其道亂則其音應而亂也索隱無

日猶言無復一日也以言君臣陵慢如此無復一日則國之滅亡朝夕可待也

鄭衛之音亂

世之音也比於慢矣

集解鄭玄曰比猶同正義鄭音好濫淫志衛音促速煩志並是

亂世音雖亂而未滅亡故比慢也比必以反

桑間濮上之音

集解鄭玄曰濮水之上地

有桑間在濮陽南正義昔殷紂使師延作長夜靡靡之樂以致亡國武王伐紂此樂師師延將樂器投濮

水而死後衛國樂師師涓夜過此水聞水中作此樂
因聽而寫之既得還國為晉平公奏之師曠撫之曰
此亡國之音也由此必於桑
問濮上乎紂之所由亡也
亡國之音也其政散其

民流誣上行私而不可止

正義若用此濮上之音其
政必離散而民人流徙逃

亡緣臣誣上各行私情國
即滅亡而不可禁止也

凡音者生於人心者也

正義

此樂本章第三段也前第一段明人心感樂第二段
明樂感人心此段聖人制正樂以應之此段自有二
重自凡音至反人道為一重却應第二段樂感人心
也又自人心生而靜至王道備矣為一重却應第一
段人心
感樂也
樂者通於倫理者也
集解鄭玄曰倫猶類也
理分也正義音初生自
君心形而成樂樂成則能通於百姓
使各盡其類分故曰通倫理者也
是故知聲而不

知音者禽獸是也知音而不知樂者衆庶是也唯君

子為能知樂

集解鄭玄曰禽獸知此為聲耳不知其宮商之變八音並作克諧曰樂

是

故審聲以知音

正義聲為音本若欲知音當須審定其聲然後音可知

審音以

知樂

正義音為樂本前審定其音然後可知樂也

審樂以知政

正義樂為政本前審

定其樂然後政可知也

而治道備矣

正義前審定其本後識其末則為治之道乃可備也

是故不知聲者不可與言音不知音者不可與言樂

知樂則幾於禮矣

集解鄭玄曰幾近也正義禮謂治國之禮包萬事萬事備具始是禮

極今知樂者但正君臣民事物五者之情於禮未極故云幾於禮也

禮樂皆得謂之有

德德者得也

集解鄭玄曰聽樂而知政之得失則能正君臣民事物之禮正義若聽樂而知

禮則是禮樂皆得二者備具則是有德之君也又言有德之人是能得禮樂之情故云德者得也

是

故樂之隆非極音也

集解鄭玄曰隆猶盛也極猶窮也正義大樂之盛本在移風易

俗非窮鍾鼓之音故云非極音也故論語樂云樂云鍾鼓云乎哉是也

食饗之禮非極

味也

正義食音嗣食享謂宗廟祭也大禮之盛本在安上治民非崇玉帛至味故云非極味也故論

語禮云禮云玉帛云乎哉是也

清廟之瑟

集解鄭玄曰清廟謂作樂歌清廟王肅曰於清廟中

所鼓朱絃而疏越

集解鄭玄曰越瑟底孔畫疏之使聲遲

一倡而三嘆

有遺音者矣

集解鄭玄曰遺猶餘也王肅曰未盡音之極正義倡音唱一唱謂一人始唱歌

三嘆謂三人讚嘆也樂歌此文王之道不極音聲故但以熟絃廣孔少唱寡和此音有德傳於無窮是有餘音不已一云所重在德本不在音是有遺餘音念之不忘也大饗之禮正義大饗即食饗也

變食言大崇其名故也不尚重味故尚玄酒正義裕祭之禮

則列玄尊在上而俎腥魚正義凡俎有肴生腊是俎腥魚者生魚也俎雖有三

五齊在下也牲而兼載大羹不和正義和胡卧反大羹肉汁也裕祭有肉汁為羹無鹽菜之芼和

也生魚也有遺味者矣正義遺亦餘也此著質素之食禮人主誠設之道不極滋味故尚明水而

腥魚此禮可重流芳竹帛傳之無已有餘味一是故云禮本在德不在甘味故用水魚而遺味也

先王之制禮樂也非以極口腹耳目之欲也將以教

民平好惡而反人道之正也

集解鄭玄曰教之使知好惡正義好火到反惡

一故反平均也言先王制禮作樂本是教訓澆民平於好惡之理故去惡歸善不為口腹耳目之欲令反

歸人之正也人生而靜天之性也正義此第三段第二重也人初生未有情欲其

情欲至靜稟于自然是天之性也感於物而動性之頌也集解徐廣曰頌音容

今禮作欲正義其心雖靜感於外情因物而動是性之貪慾也物至知知然後好惡

形焉集解王肅曰事至能以智知之然好惡無節於

內知誘於外不能反已天理滅矣集解王肅曰內無定節智為物所誘

於外情從之動而失其天性正義言好惡不自節量於心唯知情欲誘之於外不能反還已躬之善則天

性滅絕矣夫物之感人無窮而人之好惡無節則是物至

而人化物也

集解鄭玄曰隨物變化正義夫物不一故言無窮也若人心嗜慾無度隨好惡

不能節之則與之人化物也者滅天理而窮人欲者

也

集解鄭玄曰言無所不為正義心隨物化則滅天性而恣人心之欲也

於是有悖逆

詐偽之心有淫佚作亂之事是故彊者脅弱衆者暴

寡知者詐愚勇者苦怯疾病不養老幼孤寡不得其

所此大亂之道也是故先王制禮樂人為之節

集解鄭玄

曰為作法度以遏其欲也王肅曰以人為之節言得其中也

衰麻哭泣

正義此以下並是陳

禮節人之事也制五服哭泣所以紀喪事之節而不使背死忘生也事死者難故以哀哭為前也 所

以節喪紀也鐘鼓干戚所以和安樂也婚姻冠笄所

以別男女也

集解鄭玄曰男二十而冠女許嫁而笄正義冠音貫笄音雞

射鄉食

饗所以正交接也

集解鄭玄曰射鄉大射鄉飲酒

禮節民心樂和民

聲政以行之刑以防之禮樂刑政四達而不悖則王

道備矣樂者為同禮者為異

集解鄭玄曰同謂協好惡也異謂別貴賤正義

此第二章名為樂論其中有四段此章論禮樂同異也夫樂使率土合和是同也禮使父子殊別是為異

也 同則相親異則相敬樂勝則流

集解王肅曰流禮通不能自還 禮

勝則離

集解王肅曰離折而不親正義勝式證反勝猶過也禮樂雖有同異而又相須也若樂過

和同而無禮則流慢無復尊卑之敬若禮過殊隔無樂則親屬離折無復骨肉之愛也

合情節

貌者禮樂之事也

集解鄭玄曰欲其並行彬彬然正義樂和內是合情也禮檢迹是飾

貌也禮義立則貴賤等矣

集解鄭玄曰等階級

樂文同則上下和

矣

正義文謂聲成文也若作樂文采諧同則上下並和是樂和民聲也

好惡著則賢不

肖別矣

正義好惡並去聲又並如字著張慮反若法律分明善惡章著則賢愚斯別是政化行矣

刑禁暴爵舉賢則政均矣

正義王者為用刑則禁制暴慢疏爵以舉賞賢良則

政治均平是刑以防之矣既是禁暴而又言舉賢者示刑最為重不宜獨行必須賞罰兼明也然禮樂之

用非政不行明仁以愛之義以正之如此則民治行

須四事連行也

矣正義言禮樂刑政既均又須仁以愛

民義以正民如此則民順理正行矣

樂由中出

集解

鄭玄曰和在心正義此樂論第二段謂樂功也

禮自

出猶生也為人在中

有未足故生此樂也

外作集解鄭玄曰敬有未足故起此禮也

樂由中出

故靜正義樂和心禮自外作故文

集解鄭玄曰文猶

貌在外

故云動大樂必易

正義易以政反

朱弦疏越是也大禮必簡

集解鄭

簡若於清廟大饗然

正義玄酒腥魚是也樂至則無怨禮至則不爭

集解

曰至猶達也行也正義樂行主和和達則民揖讓而無復怨怒也禮行主謙謙達則民不爭競也

治天下者禮樂之謂也暴民不作諸侯賓服兵革不

試

集解鄭玄曰賓協也試用也

五刑不用百姓無患天子不怒如

此則樂達矣合父子之親

正義前云禮至不爭故致天下尊卑之序也禮使父

慈子孝是合父子之親也即父事三老也

明長幼之序

正義長坐幼立是明長幼之序即兄

事五更是也

以敬四海之內

正義孝經云教以孝所以敬天下之為人父教以弟所以

敬天下之為人兄教以臣所以敬天下之為君即是敬四海之內也

天子如此則禮行

矣

正義言天子能躬行禮則臣下必用禮如此則大禮行矣合父子以下悉自天子自身行之也

大

樂與天地同和

正義此樂論第三段論禮與樂唯聖能識也言天地以氣氤氲合生萬物

大樂之理順陰陽律呂生養萬物是大樂與天地同和也

大禮與天地同節

集解鄭玄

曰言順天地之氣與其數也正義言天有日月地有山川高卑殊形生用各別大禮辨尊卑貴賤等差異

別是大禮與和故百物不失

集解鄭玄曰不失其性正義樂與天地同和能

生成性

節故祀天祭地

集解鄭玄曰成物有功報焉正義禮與天地同節有尊卑

上下報生成

明則有禮樂

集解鄭玄曰教人者也正義明猶外也言聖王能使

樂與天地同和禮與天地同節

幽則有鬼神

集解鄭玄曰助

又顯明其禮樂以教人也

天地成物者也易曰知鬼神之情狀然則聖人精氣謂之神賢智之精氣謂之鬼也正義幽內也言聖王

又能內敬鬼神助

如此則四海之內合敬同愛矣

正義

言行禮同節故四海合敬正義禮者殊事合敬者也正義

貴賤之別是殊事也施樂者異文合愛者也正義

成文隨事而制變是異禮樂之情同故明王以相洽正義

也集解鄭玄曰洽猶因述也殷因於夏周因於殷正

故明王相故事與時並集解鄭玄曰為事在其時也

事正義言聖王所為之事與所當之時並行也若堯

舜揖讓之事與淳和之時並行湯武干戈之事與澆

薄之時並行名與功偕集解鄭玄曰為名在於其功

後得受其名正義名謂樂名也偕俱也功者揖讓干

舞樂名咸池大韶湯武樂名大濩大武也故鐘鼓管磬羽籥干戚樂之器

也是樂之器有形質故為事也

也正義此陳樂事也鐘鼓之屬詘信俯仰級兆舒疾

集解徐廣曰級今禮作綴駟案鄭玄曰兆其外營域索隱綴舞者鄭列也又按下文其舞行及遠及短禮皆作綴蓋是字之殘缺訛變耳故此為級而下又為及也並依字讀義亦雖通恐違古記耳樂之文也

正義文飾之事也

簠簋俎豆制度文章禮之器也升降

上下周旋裼褻禮之文也故知禮樂之情者能作

正義

既能窮本知變又能著誠去偽所以能述作故謂之聖也識禮樂之文者能述

集解

鄭玄曰述謂訓其義正義謂作者之謂聖

正義堯舜禹湯之屬

上文屈伸俯仰升降上下也

是述者之謂明

正義游夏之屬是也

明聖者述作之謂也樂者

天地之和也禮者天地之序也

正義此樂論第四段也謂禮樂之情也樂

法天地之氣故云天地之和禮法天地之形故云天地之序禮樂從天地而來王者必明於天地然後能

興起禮樂也

和故百物皆化序故羣物皆別

集解鄭玄曰別

謂形體異

樂由天作禮以地制

集解鄭玄曰言法天地正

化是由天作也地有高下區分以生萬物禮有品節殊文是由地制也

過制則亂過作

則暴

集解鄭玄曰過猶誤也暴失文武意也

明於天地然後能興禮樂

也

正義禮樂既不可誤故須明天地者乃可制作也

論倫無患樂之情也

集解

王肅曰言能合道論中倫理而無患也正義既云惟聖人識禮樂之情此以下更說其情狀不同也倫類

也賀瑒云樂使物得類欣喜驩愛樂之容也正義容序而無害是樂之情也

賀瑒云八音克諧使物欣喜此樂之事迹也中正無邪禮之質也集解鄭玄曰質

猶本正義明禮情也質本也禮以莊敬恭順禮之制

也正義明禮情之事也謂容貌莊敬謙恭謹慎是禮之節制也若夫禮樂之施於

金石越於聲音用於宗廟社稷事于山川鬼神則此

所以與民同也集解王肅曰自天子至民人皆貴禮之敬樂之和以事鬼神先祖也正義

言四者施用祭祀隨世而異則前王所不專故又云則此所以與民同言隨世也王者功成

作樂治定制禮

集解鄭玄曰功成治定同時耳功主于王業治主乎教民正義此第三章

名樂禮章言明王為治制禮作樂故名樂禮章其中有三段一明禮樂齊其用必對二明禮樂法天地之

事三明天應禮樂也其功大者其樂備其治辨者其禮具

集解徐廣

曰辨一作別駟案鄭玄曰辨偏也正義辨皮勉反又邊練反夫禮樂必由功治有大小故禮樂應之而廣

狹也若上世民淳易化故王者功治廣偏是以禮樂備也而殷周民澆難化故王者功治偏狹則禮樂亦

不具干戚之舞非備樂也

集解鄭玄曰樂以文德為備若戚池也正義證樂不備也

干戚周武也樂以文德為備故用亨孰而祀非達禮

朱絲䟽越干戚之舞故非備樂也也集解鄭玄曰達猶具也至敬不享味而貴氣臭正義解禮不具也謂腥俎玄尊表誠象古而已不在

芬必孰味是乃澆
世為之非達禮也
五帝殊時不相沿樂三王異世不

相襲禮

集解鄭玄曰言其有損益正義庾蔚之云樂興於五帝禮成於三王樂興王者之功禮隨

世之質文崔靈恩云五帝淳澆不同故不得相沿為樂三王文質之不等故不得相襲為禮樂極

則憂禮粗則偏矣

集解鄭玄曰樂人之所好也害在淫侈禮人之所勤害在倦畧及

夫敦樂而無憂

集解鄭玄曰敦厚也

禮備而不偏者其唯大聖

乎天高地下萬物散殊而禮制行也

集解鄭玄曰禮為異正義天高

於上地卑於下萬物布散殊別於其中而大聖制禮別異尊卑是衆大而行故云禮制行矣禮以節制為義故云流而不息合同而化而樂興也

集解鄭玄曰樂為同正義

禮制

天地二氣流行不息合同氤氲化生萬物而大聖作樂合同人心是以象天地而起故云樂興也春

作夏長仁也秋斂冬藏義也仁近於樂義近於禮

集解

鄭玄曰言樂法陽而生禮法陰而成正義近其新反春夏生長萬物故為仁愛樂主陶和萬姓故仁近於樂也秋則殺斂冬則蟄藏並是義主斷割禮為節限故義近於禮也樂者敦和率神而

從天

集解鄭玄曰敦和樂貴同正義此釋仁近樂之義言樂之為體敦厚和同因循聖人之神氣而

從順禮者辨宜居鬼而從地

集解鄭玄曰別宜禮尚異也孫炎曰居鬼品處

於天鬼之志也正義此解義近禮之由居鬼猶循神也鬼謂先賢也禮之為體尊卑殊別各有其宜因居先賢鬼氣而從順故聖人作樂以應天作禮以配地禮

於地分別禮分

樂明備天地官矣

集解鄭玄曰各得其事也王肅曰各得其位也

天尊地卑

君臣定矣

正義此樂禮章第二段也明禮樂法天地事也言君尊於上臣卑於下是象天地定

矣

高卑已陳貴賤位矣

集解鄭玄曰高卑謂山澤也位矣尊卑之位象山澤

動

靜有常小大殊矣

集解鄭玄曰動靜陰陽用事也小大萬物也大者常存小者隨陰陽

出入

方以類聚物以羣分則性命不同矣

集解鄭玄曰方謂行

蟲物謂殖生者性之言生也命生之長短正義性生也萬物各有嗜好謂之性命者長短天壽也所祖之

物既稟大小之殊故性命天壽不同也

在天成象在地成形

集解鄭玄曰象光耀

形體貌正義言日月星辰之光耀草木鳥獸之體貌也

如此則禮者天地之別

也

正義結禮之別也如此則聖人制禮殊別是

地氣

上隣

集解鄭玄曰隣升也

天氣下降

正義明禮樂法天地氣也

物故樂以氣法地弦歌聲氣升降相合以教民也然

氣從下升此樂象氣故從地始也形以上尊故禮象

始也陰陽相摩

正義二氣切摩而萬物生發作樂

天地相蕩

集解鄭玄曰蕩動也正義天地八節蕩動

音相感

鼓之以雷霆

正義萬物雖以氣生而物未發

動也以發節也奮之以風雨

集解鄭玄曰奮迅也正義萬

大雷曰霆用儻奮迅以象動之以四時

正義萬物生長隨四時

須而煖之以日月

正義煖音喧遠反萬物之生必須日月煖照如樂有蘊藉使人宣昭

也蘊藉者歌不直言而長言嗟嘆之屬也

而百物化興焉

集解鄭玄曰

如

此則樂者天地之和也

正義結樂之和也如此則聖人作樂法天地和同是樂者

天地之和也亦是敦和率神而從天也

化不時則不生

正義此樂禮章第三段明天地

應於禮樂也前聖人既作禮樂此明天地應樂也若人主行化失時天地應以惡氣毀物故云化不時則不生

男女無別則亂

集解鄭玄曰登成也樂失則害物禮失則亂人正義此明

也天地應禮也登成也若人君行禮男

此天地之情也

女無別則天地應而錯亂成之也正義結隨禮得失而應之是天地之情也然及夫禮樂是氣化故云害物禮是形教故言亂人也

樂之極乎天而蟠乎地

集解鄭玄曰極至也蟠猶委也

行乎陰陽而

通乎鬼神

正義言陰陽和四時順以應禮樂禮樂與鬼神並助天地而成化也

窮高極

遠而測深厚

集解鄭玄曰高遠三辰也深厚山川也言禮樂之道上至於天下委於地則其

間無所不之矣

樂著太始而禮居成物

集解王肅曰著明也明太始謂法天也成

物謂地也居亦謂法也索隱樂能明太始是法天也地能成萬物故禮所以法地也正義著猶處也天為萬物之始故曰太始天蒼而氣化樂亦氣化故云處太始也成物地也體盤薄長成萬物也在地成形禮亦形教故云居成也地卑

著不息者天也著不動者

地也

集解鄭玄曰著猶明白也息謂休止也索隱運生不息者天之功也故易乾卦云天行健君子

以自強不息著養萬物不動者地之德也故易坤卦云安貞之吉是也正義此美禮樂配天地也著亦處

也言樂氣化處運生不息者配天也禮制一動一靜尊卑定位成養萬物處不移動者配地也

者天地之間也

集解鄭玄曰間謂百物也正義此美禮樂若分則配天地若合則與百物

齊一也靜動而生萬物稟天動地故聖人曰禮云樂

靜而生故呼百物為天地之間也

集解鄭玄曰言禮樂之法天地也正義引聖證此章也言聖人云明此一章是禮樂法天地也故言

聖人曰禮云樂云樂動禮靜其昔者舜作五弦之琴

並用事如天地間物有動靜也

以歌南風

集解鄭玄曰南風長養之風也言父母之長養已也其辭未聞也王肅曰南風育養

民之詩也其辭曰南風之薰兮可以解吾民之愠兮索隱此詩之辭出尸子及家語正義此第四章名樂

施明禮樂前備後施布天下也中有三段一明施樂以賜諸侯也二明施樂須節既賜之所以宜節也三

明禮樂所施各有本意本德世本神農作琴今云舜作者非謂舜始造也改用五絃琴特歌南風詩始自

舜也五絃者無文武二絃唯宮商角徵羽之五絃也南風是孝子之詩也南風養萬物而孝子歌之言得

父母生長如萬物得南風也舜有孝行故以夔始作

五絃之琴歌南風詩以教理天下之孝也

樂以賞諸侯

集解鄭玄曰夔欲舜與天下之君共此樂

故天子之為樂也

以賞諸侯之有德者也德盛而教尊五穀時熟然後

賞之以樂

正義陳其合賞也若諸侯孝德明盛教化尊嚴年穀豐稔故天子賞樂也天下因而

法之故其治民勞者其舞行及遠

正義行音胡即反及音子衛反本或

作級音同此明雖得樂賜而隨功德優劣也舞位行列也級謂鄼列也若諸侯治民勞苦由君德薄王賞之以樂則舞人少不其治民佚者其舞行及短

集解王肅

曰遠以象民行之勞近以象民行之逸正義佚音逸若諸侯治民暇逸由君德盛王賞舞人多則滿列去鄼促近也庾蔚之云此為虞夏禮也虞猶淳故可隨功賜樂殷周漸澆易生忿怒不宜猶有優劣是以同制諸侯六佾故故觀其舞而知其德

正義觀其佾位人多少去綴近

遠即知其君德薄厚也

聞其謚而知其行之

集解鄭玄曰謚者行之迹正義行音故孟

反制死謚隨君德故聞死謚則大章章之也

集解鄭玄曰堯

樂名言堯德章明正義既生時舞則知德死則聞謚驗行故更引死後聞樂則知行事解之也大章堯樂

也章明也民樂堯德大明故名樂曰大章後人開大

章則知堯生時德大明上章是堯德之明下章是後

明於堯德白虎通云

大章大明天地之道

咸池備也

集解鄭玄曰黃帝所

之咸皆也池之言施也言德之無不施也

王肅曰包容浸潤行化皆然故曰備也

韶繼也

集解

鄭玄曰舜樂名夏大也

言能繼堯之德

集解鄭玄曰禹樂名殷周之

樂盡也

禮曰殷曰大濩周曰大武

樂盡也

不時則疾

正義此則樂施章第二段明施樂須節也

既必須節故引譬例寒暑天地之氣也若

寒暑不時則風雨不節則饑

正義風雨天地之氣也若

民多疾疫也

有聲形故為事也若

灑淒厲不有時節

則穀損民飢也

教者民之寒暑也

集解鄭玄曰

教謂樂也

教

不時則傷世

正義寒暑不時既為民疾苦事者民之

風雨也事不節則無功

正義風雨不節則民饑饉然

則先王之為樂也以法治也

集解王肅曰作樂所以法其治行也善則

行象德矣

集解王肅曰君行善即臣下之行皆象君之德正義此廣樂所以須節也言先王為

樂必以法制行善則臣下之行皆象君之德也

夫豢豕為酒

集解鄭玄曰以穀食犬豕曰豢

為作也

非以為禍也

正義此言禮須節也豢養也言前王豢犬豕及作酒之事本以為禮

祀神祇設賓客和親族禮賢能而實非為民作禍災也

而獄訟益煩則酒之流

生禍也

集解鄭玄曰小人飲之善醢以致獄訟正義此禮事也言民得豢酒無復節限卒至沉醢

鬪爭殺傷而刑獄益生煩多
則是酒之流害生其禍也

是故先王因為酒禮一

獻之禮賓主百拜

集解鄭玄曰一獻士飲酒之禮百拜以喻多也

終日飲酒

而不得醉焉此先王之所以備酒禍也故酒食者所

以合歡也

正義此結節功也既防酒禍故飲不醉爭以時合歡適也

樂者所以象

德也

正義此樂施章第三段明禮樂之所施各有本意在於象德也此言樂意也言樂之所施於人

本有和禮者所以閉淫也

正義此言禮意也言禮之所施於人大止邪淫過失

也
是故先王有大事必有禮以哀之

集解鄭玄曰大事謂死喪正義

民有喪則先王制衰麻哭泣之禮以節之使其各遂哀情是禮以哀之也

有大福必有禮

以樂之

正義樂音洛大福祭祀者慶也民慶必歌舞飲食庶羞之禮使不過而各遂歡樂是有以

樂之

哀樂之分皆以禮終

正義分扶問反結二事哀樂雖反皆用禮節各終其

分故云皆以禮終

樂也者施也禮也者報也

集解鄭玄曰言樂出而不反而

禮有往來正義施式鼓反此第六段樂象法章第五段不以次第而亂升在此此段明禮樂用別也庾蔚之云樂者所以宣暢四氣導達情性功及物而不知其所報即是出而不反所以謂施也禮者所以通彼之意故有往必有來所以謂報也

樂樂其所自生

集解鄭玄曰自由也正義此廣施也

樂名所起由民下之心所樂生非有所報也

而禮反其所自始

正義此廣報也反猶

報也禮生無名但是事耳隨時得質文之事而報之

樂章德

正義聞名知德若大章是也

禮

報情反始也

集解孫炎曰作樂者緣民所樂於己之德若舜之民樂其紹堯也周之民樂其

伐紂而作武也制禮者本已所由得民心殷尚質所

謂大路者天子之輿也

正義此以下廣言禮以報為體之事與車也大路天子之

車也諸侯朝天子修其職貢若有勲勞者天子賜之大路也

龍旂九旒天子之旌

也

正義庾蔚之云龍旂九旒上公之旌

青黑緣者天子之葆龜也

集解駟案

公羊傳曰龜青緣何休曰緣甲頤也千歲之龜青頤明乎吉凶也索隱葆與寶同史記多作此字頤音耳

占反正義從之以牛羊之羣則所以贈諸侯也

集解鄭玄

曰贈諸侯謂來朝將去送之以禮也正義合結上諸事皆是天子送諸侯禮也言五等諸侯朝畢反去天

子贈之大路龍旂寶龜樂也者情之不可變者也

正義

又送之以牛羊之羣也此第七章明樂之情與之符達鬼神也二證禮樂達鬼神

中有三段一明禮樂情達鬼神也二證禮樂達鬼神之事三明識禮樂之本可尊也前第六章明象象必

見情故以樂主情樂變則情變故云情之不可變也禮也者理之不可易者也

集解鄭玄曰理猶事也正義禮主事禮別也故云事

之不可樂統同也正義解情不變也統領

禮別異

集解鄭玄

易者也曰統同和合也辨異尊卑之位正義解事不可易也禮別於尊卑之事也

禮樂之說貫

乎人情矣正義貫猶通也言人情莫過於同異而窮

禮樂能統同辨異故其說理能通人情窮

本知變樂之情也正義庾蔚之云樂能通和性分使

各不失其所是窮自然之本也使

人不失其所守是知變通之情也

著誠去偽禮之經也

正義著竹慮反去丘呂反

著明也經常也著明誠信

禮樂見天地之情

正義見胡練反

達去詐偽是理之常行也

合明禮樂也禮出於地尊卑有序是見地達神明之情也樂出於天遠近和合是見天之情也

德正義達通也禮樂不失則天降甘降興上下之神

集解鄭玄曰降下也興猶出也正義樂六變天神下八變地祇出是與降上下之神

而凝是精

粗之體領父子君臣之節

集解鄭玄曰凝猶成也精粗謂萬物大小也領猶理

治是故大人舉禮樂則天地將為昭焉

正義為于偽反昭音照此

樂情章第二段明禮樂能通達鬼神之事前既云能通鬼神此明其事也大人聖人與天地合德故舉禮

樂為教而天地從之大明也

天地欣合陰陽相得

正義欣喜也合猶蒸也禮樂化

行故天氣下地氣蒸合陰陽交會故相得也論體謂之天地論氣謂之陰陽也

煦嫗覆育萬

物

集解鄭玄曰氣曰煦體曰嫗

然後草木茂區萌達

集解鄭玄曰屈生曰區正

義區音勾草木據其成體之茂區萌據其新牙故曰達達猶出也菽豆之屬直出曰萌稻稷之屬也

羽

翮奮角駘生

集解鄭玄曰無鰓曰駘索隱牛羊有鰓曰角麋鹿無鰓曰駘正義駘加客反羽

翮鳥也角駘也鳥獸得天地覆育煦嫗故飛者則奮翅翮走者則生角駘也

蟄虫昭蘇

集解

鄭玄曰昭曉也凡蟄虫以發出為曉更息曰蘇正義蟄虫得陰陽煦嫗故皆出地上如夜得曉如死更有

氣也羽者嫗伏毛者孕鬻

集解鄭玄曰孕任也鬻生也正義伏房富反羽鳥也毛獸

也二氣既交萬物生乳故鳥生卵
胎生者不殯而卵

生者不殯

集解鄭玄曰肉敗曰殯殯猶裂也正義殯音讀殯音呼覓反胎生獸也卵生鳥也懷

任在內而死曰殯卵圻不成

則樂之道歸焉耳

集解孫炎

曰樂和陰陽故歸此也正義庾蔚之云一論天地二氣萬物各得其所乃歸於樂耳

樂者非謂

黃鍾大呂絃歌干揚也

集解鄭玄曰揚絃也索隱干

舉恐非也正義此樂情章第三段明識禮樂本者為尊識末者為卑黃鍾大呂之屬故云非謂也揚舉也

謂舉楯以

樂之末節也

正義黃鍾以下

故童者舞之

正義末事易之不足貴重

故使童子小兒儻奏之也布筵席陳樽俎列邊豆以

升降為禮者

正義此亦明末也用禮之本在著誠去偽安上理民不在鋪筵席擗俎升降為

禮之禮之末節也

正義布筵以下是禮之末節也

故有司掌之

集解鄭玄

曰言禮樂之本由人君也禮本著誠去偽樂本窮本知變正義有司典禮小官也末節事易解不為可重

故小官掌其事也

樂師辨乎聲詩故北面而絃

集解王肅曰但能別聲詩

不知其義故北面而絃鄭玄曰絃謂鼓琴瑟正義此更引事證樂師曉樂者辨別聲詩聲謂歌也言樂師雖能別歌詩並是末事

宗祝辨乎宗廟之禮故後尸

正義此禮事也宗祝大祝即有司之屬也雖能分別正宗廟之禮然佐於尸而非為敬之主為卑故在尸

後商祝辨乎喪禮

集解鄭玄曰商祝祝習商禮者商人教以敬於接神

故後主

人集解鄭玄曰後尸居後贊禮儀也此言知本者尊

知未者卑正義商祝者殷商之神祝習商家神禮以相佐喪事故云辨喪禮其雖掌喪事而非發喪之主故在主人後言立處賤也是故德成

而上

正義上謂堂也德成謂人君禮樂德成則為君故居堂上南面尊之也

藝成而下

正義下堂下也藝成謂樂師伎藝雖成唯識禮樂之末故在堂下北面卑之也行成而先正義

行胡孟反先猶前也尸及喪主也

事成而後

集解鄭玄曰德

行成謂尸尊而人孝故為行成

三德也行三行也藝才伎也先謂位在上也後謂位在下也正義事為劣故為在宗商二祝也識尸及主

人也

是故先王有上有下有先有後然後可以有制

於天下也

集解鄭玄曰言尊卑備乃可制作以為治正義故先王使上下前後尊卑分乃可制

禮作樂以班於天下也

如周公六年乃為禮也樂者聖人之所樂也

正義此樂施章

第三段後也誤在此闕淫之後又用此章廣為象其德故云聖人之所以觀德也

而可以善

民心其感人深其風移俗易故先王著其教焉

集解鄭玄

曰謂立司樂以下使教國子也

夫人有血氣心知之性

正義此第五章名樂言明

樂歸趣之事中有三段一言人心隨王之樂也二明前王制正樂化民也三言邪樂不可化民也前既以施人人必應之言其歸趣也此言人心隨王之樂也夫人不生則已既已生必有血氣心知之性也而

無哀樂喜怒之常

正義性合五常之行有喜怒哀樂之分但其發無常時隨外境所觸

故亦無常也

應感起物而動

正義解所有四事之由也緣外物來感心心觸感來起動

應之故有然後心術形焉

集解鄭玄曰言在所以感之也術所由也形猶見也

是故志微焦殺之音作而民思憂

集解鄭玄曰志微意細也吳公子札

曰其細已甚正義殺音所界反又色例反思音先利反此以下皆言心樂感而應見外事也若人君叢脞情志細劣其樂音焦戚殺急不舒

嘽緩慢易繁文簡

節之音作而民康樂

集解鄭玄曰簡節少易也正義嘽昌單反易以致反樂音洛嘽

綽也緩和也慢疏也繁文多也康和樂安也言人君道德綽和疏易則樂音多文采與節奏簡畧而下民

所以粗厲猛起奮末廣賁之音作而民剛毅

集解王肅曰粗

厲亢厲猛起發揚奮末浸疾廣賁廣大之音也正義粗音麤賁房粉反又音墳粗畧也厲嚴也猛剛起動也

未支體也廣大也賁氣充也言人君若性麤嚴剛
動而四支奮躍則樂充大民應之所以剛毅也 庶

直經正莊誠之音作而民肅敬

集解孫炎曰經法也索隱經今禮本作勁

正義經音勁言人君肅直勁而剛正則樂音矜嚴而誠信故民應之所以肅敬也

寬裕肉好

順成和動之音作而民慈愛

集解王肅曰肉好言音之洪美正義肉好故反

好火到反肉肥也謂音如肉之肥言人君寬容肥好則樂音順成而和動故民應之所以慈愛也 流

辟邪散狄成滌濫之音作而民淫亂

集解王肅曰狄成言成而似夷

狄之音也滌放盪濫僭差也正義辟反亦反邪音斜狄音惕狄滌皆往來疾速也往來速而成故云狄成往來疾而僭濫故云滌濫也言君上流淫縱僻回邪放散則樂音有往來速疾僭差之響故民應之而淫

亂也。心本無此六。是故先王本之情性。正義此樂言章第二段也。

前言民隨樂變。此言先王制正樂化。稽之度數制之。

禮義。正義稽考也。制樂又考天地度數為之。如律呂應十二月八音應八風之屬也。合生氣

之和道五常之行。集解鄭玄曰：生氣陰陽也。五常五行也。正義道音導。行胡孟反。合應。

也。使之陽而不散，陰而不密。集解鄭玄曰：密之言閉也。正義陽謂稟陽氣多。

人也。陽氣舒散，人稟陽多，則奢；陰氣閉密，人稟陰多，則縝密。今以樂通二者之性，皆使中和，故陽者不散。

陰者不密也。剛氣不怒，柔氣不懼。集解鄭玄曰：懼猶恐懼也。正義懼之涉反懼也。

性剛者好怒，柔者好懼。今以樂和使各得其所，不至怒懼也。四暢交於中而發作。

於外

正義四陰陽剛柔也暢通也交乎也中心也今以樂調和四事通暢交互於中心而行用舉動

發於外不至散容怒懾者也

皆安其位而不相奪也

正義此結樂為本情性之

事也閉陽開陰抑剛引柔悉使中庸故天下安其位無復相侵奪之也

然後立之學等

集解鄭玄曰等差也各用其材之差學之也正義前用樂陶情和暢然後乃以樂語樂舞二事教之民各

隨已性才等差而學之以備分也

廣其節奏省其文采

集解鄭玄曰廣增習之也

省猶審習之也文采謂節奏合也

以繩德厚也

集解鄭玄曰繩猶度也王肅曰繩法也法

其德厚薄也

類小大之稱

集解孫炎曰作樂器大小稱十二律索隱類今禮作律

比

終始之序

集解鄭玄曰始於宮終於羽

以象事行

集解鄭玄曰宮為君商為臣

使親疎貴賤長幼男女之理皆形見於樂

正義此結本人之情

以下緣本而教親疎以下之理悉章著樂功使聞者皆知而見輯睦情也故曰樂觀其深

矣

正義此引古語證觀感人之深矣

土敝則草木不長水煩則魚鼃

不大

正義此樂言章第三段言邪樂不可化民將言邪樂之由故此前以天地為譬此以地為譬也

敝猶勞熱煩猶數攪動也土過勞熱水過撓動則草木魚鼃不長大也

氣衰則生物不

育

正義此以天譬也氣者天時氣也氣若衰微則生物不復成遂也

世亂則禮廢而

樂淫

正義此合譬也世謂時世亂其禮不備樂不節故流淫過度水土勞敝則草木魚鼃不長大如

時世濁亂之禮樂不可為化矣

是故其聲哀而不莊樂而不安

正義樂音

樂此證樂淫之事也淫樂則聲哀而無莊故雖奏以自樂必致傾危非自安之道故云樂而不安若闕雖

樂而不淫哀而不傷則

慢易以犯節

正義易以致反言無莊敬慢易

是有莊敬而安者也

也無節奏故云犯節也即是哀而不莊也

流湏以忘本

正義湏音汚靡靡無窮失於終止故

言忘本即樂而不安之義也

廣則容姦

正義言淫惡禮樂聲無節也廣聲緩也容舍也其聲

緩者則舍狹則思欲

集解王肅曰其音廣大則容姦偽其狹者則使人思利欲也正

義狹聲急也其聲急者則思欲攻之也

感滌蕩之氣而滅平和之德

正義

感動也言此惡樂能動善人滌蕩之善氣使失其所而滅善人平和之德也

是以君子賤

之也

正義君子用樂調和是故賤於動滅平和之氣也

凡姦聲感人而逆氣

應之

正義此第六章名樂象也本第八失次也明人君作樂則天地必法象應之中有五段一明淫

樂正樂俱能成象二明君子所從正樂皆有本非可

假偽四證第三段有本不偽之由五明禮樂之用前

有證故明其用別也今此明淫正二樂俱能成象故

先言淫樂為習應人事也言君奏姦聲之樂以感動

人民則天地應之逆氣成象
集解鄭玄曰成象謂人樂習之也

而生逆亂之氣也

樂興焉

正義興生也若逆氣流行於世而民又習之為法故云成象既習亂為法故民之樂聲生

於淫佚也正聲感人而順氣應之順氣成象而和樂興焉

正義言順氣流行民習成

法故樂聲亦生於和也倡和有應

正義倡音昌尚反和胡卧反君

唱之天地和之民應回邪曲直各歸其分

正義分房問反此是

有應也回邪不正也曲折也直不邪也言而萬物之

相應和表直影正表曲影斜各歸其分也

理以類相動也正義姦聲致惡正響招順是以天下萬物之理各隨君善惡以類而相動

也是故君子反情以和其志

集解鄭玄曰反猶本也正義此樂象章第二段

也明君子從正樂也君子人君也反猶本也民下所習既從於君故君宜本情不使流宕以自安和其志也

比類以成其行

正義行胡孟反萬物之理以類相動故君子比於正類以成已行也

姦聲亂色不留聰明淫樂廢禮不接於心術情慢邪

辟之氣不設於身體

正義此以下皆反情性之類事也術道也既本情和志又比類

成行故姦聲亂色不留視聽淫樂穢禮不與心道相接情慢邪僻不設置已身也聲色是事故云聰明而

氣無形故於使耳目鼻口心知百體皆由順正以行

其義

正義百體謂身體百節既不行姦亂已下諸事故能使諸行並由順正以行其德美化其天下

也不留聰明於姦聲亂色故耳目得順正也不用心術接淫惡禮樂故心知得順正也不設身於邪僻故百體得順正也不言鼻口者嗜不一也亦因戒臭味順正也然後發以聲音文以

琴瑟

正義其身以正故然後乃可制樂為化故用歌之音聲內發已之德用琴瑟之響外發已之行

歌者在上此是堂上動以干戚飾以羽旄從以簫管

之樂故前明之也

正義又用干戚羽旄簫管從而播之絲奮至德之光

竹在下此是堂下之樂故後明之也

動四氣之和以著萬物之理

集解孫炎曰奮發也至德之光天地之道也四

氣之和四時之化也著猶誠也是故清明象天廣大象地終始象四

時周旋象風雨

集解王肅曰清明廣大終始周旋皆樂之節奏容儀發動也正義歷解樂

所以能通天地言歌聲清明是象天氣也廣大謂鐘鼓有形質是象地形也謂奏歌周而復始如四時循環也若樂六變九變謂舞人迴旋如風雨從天而下也五色成文而不亂八風

從律而不姦百度得數而有常

集解鄭玄曰五色五行也八風從律應節

至也百度百刻也言日月晝夜不失正也王肅曰至樂之極能使然耳

小大相成

正義大小

謂日晦小大相通以成歲也賀瑒云十二月律互為宮羽而相成也終始相生

正義歲月終而

更始也賀瑒云五行宮商迭相為終始也

倡和清濁代相為經

集解鄭玄曰清謂絃

賓至應鐘也濁謂黃鐘至仲呂也正義代更也經故

常也日月半歲陰陽更相為常也即還相為宮也

樂行而倫清集解鄭玄曰倫謂人道也正義謂上正樂之行也謂下事張木也即樂行之事

也由正樂既行故人民之道清也

耳目聰明

正義不視聽嘉亂故視聰聽明

血氣和

平

正義口鼻心知百體皆由從正故血氣和平

移風易俗天下皆寧

正義既皆

由從正以行其義故風移俗革天下陰陽皆安寧移是移徙之名易是改易之稱也文王之國自有文王之風樂紂之邦亦有樂紂之風樂紂之後文王之風被於紂民易前之惡俗從今之善俗上行謂之風下習謂之俗故曰樂者樂也正義引舊語樂名廣證前事也前事邪正之樂雖異並是其人所樂故名

曰樂也

君子樂得其道

正義雖其人所樂而名為樂而人心不同故所樂有

異有異而名通故皆名樂君子堯正小人樂得其欲義

小人樂紂也以道制欲則樂而不亂正義若君子在

人欲邪淫也以欲忘道則惑而不樂

子樂用仁義以制小人之欲則天下安樂而不敢為亂也

集解鄭玄曰道謂仁義也欲謂邪淫也正義若小人

在上君子在下則小人肆縱其慾忘正道而天下從

化皆為亂惑是故君子反情以和其志正義若以道

不得安樂子以欲忘道則為小人故君子之人本情修性廣樂

以和其志不使逐欲忘道反情以至其行也

以成其教正義內本情和志而外又廣於樂以成樂

行而民鄉方

正義君上內和志行樂教流行故民皆

倫清以至天
下安寧也

可以觀德矣

集解鄭玄曰方猶道也正義結樂使人知上之事故

觀知其德者性之端也

正義此樂象章第三段明邪正有本皆不可偽德得理也

性之端本也言人稟性皆以得理為本也

樂者德之華也

正義得理於內樂為外故云德

華金石絲竹樂之器也

正義歷解飾所須也樂為德華若莫之能用故須金石之

器也詩言其志也

正義前金石為器須用詩述申其志志在心不迷不暢故用詩述之也

歌詠其聲也

正義若直述其志則無醞藉之故又長言歌詠使聲音之美可得而聞之也

舞動其容也

正義若直詠歌未暢故又舉手蹈足以動其形容也

三者本乎心

然後樂氣從之

正義三者志聲容也樂氣詩歌舞也君子前有三德為本乎心後乃詩歌

舞可觀故云然

後樂氣從之也

是故情深而文明

正義德為性本故曰情深也樂為德

華故云

氣盛而化神

正義歌舞蹈樂氣從之故云和氣盛天下咸寧故曰化神也

文明

順積中而英華發外唯樂不可以為偽

集解鄭玄曰三者本志也

聲也容也言無此本於內則不能為樂耳

正

義內外符合而無有虛假不可以為偽也

樂者心之動也

正義此樂象章第四段也明證前第三段樂本之事緣有前境可樂而心動應之故云樂

者心之動也

聲者樂之象也

正義象法也樂舞無聲則文不彰故聲為樂之法也

采節奏聲之飾也

正義若直有聲而無法度故須文采節奏聲之儀飾也

君子

動其本

正義本德也心之動必應德也

樂其象

正義德行必應法也

然後治其

飾

正義飾文采節奏也前動心有德次行樂有法然後乃理其文飾也

是故先鼓以警

戒

集解鄭玄曰將奏樂先擊鼓以警戒衆也正義此引武王伐紂之事證前有德後有飾也武王聖人

是前有德也而用此節奏是後有飾也先鼓者為武王伐紂未戰之前鳴皮鼓以警戒使軍衆逆備也今作武王樂者未奏之前鳴皮鼓以救

三步以見方

集

人使預備具也是鳴志後有事也

鄭玄曰將舞必先三舉足以見其舞之漸也王肅曰舞武樂三步為一節者以見伐道也正義見胡練反

三步足三步也見方謂方戰也武王伐紂未戰之前

兵士樂奮其勇出軍陣前三步示勇氣方將戰也今

作樂象之纘列畢而儻者將欲儻先

再始以著往

集

舉足三頓為步以表方將儻之勢也

鄭玄曰武舞再更始以明伐紂時再往之正義著竹

慮反再始謂兩過為始也著明也文王受命十一年

而武王除喪軍至孟津觀兵曰紂未可伐也乃還師
是一始也至十三年更興師伐之是再始也今舞武
者前成列將欲舞而不儻是一始也去復更來
是二過始明象武王再往故云再始著往也復亂

以飾歸

集解鄭玄曰謂鳴銑而退明以整歸德也正
義復者伏也飾音勅復亂者紂凶亂而安復

之飾歸者武王伐紂勝鳴金銑整武而歸也以去奏
皮鼓歸奏金銑者皮文也金武也初示文德使紂自
改之則不伐紂既不改因而用兵用兵既竟故鳴金
銑而歸示用已竟也今奏武儻初皮鼓警衆末鳴銑
以歸象伐紂已奮疾而不拔也集解王肅曰舞雖奮
疾而不失節若樹木
得疾風而不拔正義謂舞形也奮迅疾速也拔傾側
也伐紂時士卒歡喜奮迅急速以尚威勢猛而不傾
側也今武舞亦奮迅極幽而不隱集解鄭玄曰極幽
謂歌也正義皆謂
急而速不傾倒象

文采節
奏也

獨樂其志不厭其道

集解王肅曰樂能使仁人獨樂其志不厭倦其

道也正義言武王諸將人各欣悅象武王有德天下之志並無厭干戈君臣之道

備舉其道

不私其欲

正義緣人人不厭故作樂者事事法之欲備舉武王之道耳非為私情之所欲也

是以情見而義立

正義不厭武王之道其情既見則不私其欲義亦立也

樂終

而德尊

正義為樂之理既終是象德之事其德亦尊顯也

君子以好善小人

以息過

正義舉理周足象德可尊以此教世何往而不可君子聞之則好善小人聞之則改過也

故曰生民之道樂為大焉

正義此引舊語結樂道之為大

君子曰禮

樂不可以斯須去身

正義此第十章名為樂化章第十以化民故次賓牟賈成第十

也其章中皆言樂陶化為善也凡四段一明人生禮樂恒與已俱也二明禮樂不可偏用各有一失也三明聖人制禮作樂之由也四明聖人制禮作樂天下服從此初段人生禮樂恒與已俱也恒故能化化故在前也引君子之言以張本也斯須俄頃也失之者死故俄頃不可去身者也

致樂以治心

集解鄭玄曰致猶深審也樂由中出故治心也則易直子諒之心油然而生矣

集解王肅曰易平易直正直子諒愛信也鄭玄曰油新生好貌易直子諒之心生則

樂樂則安安則久久則天天則神天則不言而信神

則不怒而威

集解鄭玄曰若善心生則寡於利欲寡於利欲則樂矣志明行成不言而見信

如天也不怒而見畏如神也

致樂以治心者也

正義結所由也有威信由於深審樂

以治心 致禮以治躬者也

正義前明樂治心今明禮檢迹若深審於禮以治身

則莊敬也鄭玄曰禮自外作故治身也

治躬則莊敬莊敬則嚴威

集解鄭玄

曰禮自外作故治身也正義既身莊敬儼然人望而畏之是威嚴也治內難見發明樂句多治外易觀發

明禮句少心中斯須不和不樂而鄙詐之心入之矣

集解鄭玄曰謂利欲生也外貌斯須不莊不敬而慢易之心入之

矣 集解鄭玄曰易輕易也

故樂也者動於內者也禮也者動於

外者也樂極和禮極順內和而外順則民瞻其顏色

而弗與爭也望其容貌而民不生易慢焉德輝動乎

內而民莫不承聽理發乎外而民莫不承順

集解鄭玄曰德

輝顏色潤澤也理容貌進止也孫炎曰德輝明惠也理言行也

故曰知禮樂之道舉

而錯之天下無難矣

正義錯七故反引舊證民莫不承聽莫不承順也聖王有能詳

審極致禮樂之道舉而措之於天下天下悉從無難為之事也

樂也者動於內者也

禮也者動於外者也

正義此樂化章第二段也明禮樂不可偏用各有一失既方明

所失故前更言其所發

故禮主其謙

集解鄭玄曰人所倦也王肅曰

自謙損也

樂主其盈

集解鄭玄曰人所歡也王肅曰充氣志也

禮謙而進以進

為文

集解鄭玄曰進者謂自勉強也文猶美也善也王肅曰禮自減損所以進德修業也

樂盈

而反以反為文

集解鄭玄曰反謂自抑止也禮謙而王肅曰樂充氣志而反本也

不進則銷樂盈而不反則放

集解鄭玄曰放淫於聲樂不能止也故禮

有報

集解孫炎曰報謂禮尚往來以勸進之王肅曰禮自減損而以進為報也而樂有反

集解孫炎曰反謂曲終還更始禮得其報則樂樂得其反則安禮之

報樂之反其義一也

集解鄭玄曰俱起立於中不銷不放夫樂者樂也

人情之所不能免也

正義此樂化章第三段也明聖人所以制樂由人樂於歌舞故

聖人制樂以和樂之故云樂者樂也但懼樂是入所貪貪不能自止故云人情也

樂必發諸

聲音形於動靜人道也

集解鄭玄曰人聲音動靜性道人之所為也

衍之變盡於此矣

集解鄭玄曰不可過

故人不能無樂樂不能

無形

集解鄭玄曰形聲音動靜也

形而不為道不能無亂先王惡

其亂故制雅頌之聲以道之使其聲足以樂而不流

使其文足以綸而不息

集解鄭玄曰文篇辭也息銷也

使其曲直繁

省蕪肉節奏

集解鄭玄曰曲直歌之曲折繁省蕪肉聲之洪殺也

足以感動人

之善心而已矣不使放心邪氣得接焉是先王立樂

之方也

集解鄭玄曰方道也

是故樂在宗廟之中君臣上下同

聽之則莫不和敬在族長鄉里之中長幼同聽之則

莫不和順在閨門之內父子兄弟同聽之則莫不和

親故樂者審一以定和比物以飾節節奏合以成文

集解鄭玄曰審一審其人聲也比物謂雜金革土匏之屬以成文五聲八音克諧相應和也所以

合和父子君臣附親萬民也是先王立樂之方也故

聽其雅頌之聲志意得廣焉

正義前云先王制之聲音形於動靜故此證其

事也此是發於聲音也民聽正聲得益盛德之美志意得廣大也

執其干戚習其俯

仰誣信容貌得莊焉行其綴兆

集解鄭玄曰綴表也所以表行列也要

其節奏

集解鄭玄曰要猶會也

行列得正焉進退得齊焉故樂

者天地之齊中和之紀

集解鄭玄曰紀總要之名

人情之所不能

免也夫樂者先王之所以飾喜也

正義此樂化章第四段也明樂惟聖

人在上者制作天下乃從服也若內有喜則外歌舞以飾之故云先王以樂飾喜也

軍旅鈇鉞

者先王之所以飾怒也故先王之喜怒皆得其齊矣

喜則天下和之怒則暴亂者畏之先王之道禮樂可

謂盛矣魏文侯問於子夏曰

正義此章第八名文侯問也文侯故晉大夫畢

萬之後見子夏而問於樂也

吾端冕而聽古樂

集解鄭玄曰端玄衣也古樂先王之

正樂正義此文侯問事也端冕謂玄冕凡冕服其制正幅袂二尺二寸故稱端也著玄冕衣與玄端同色

故曰端冕聽古樂也此當則唯恐卧聽鄭衛之音則

是廟中聽樂玄冕祭服也

不知倦敢問古樂之如彼何也新樂之如此何也子

夏答曰今夫古樂進旅而退旅

集解鄭玄曰旅猶俱也俱進俱退言其齊

一也正義子夏之答凡有三初則舉古禮次新樂以

酌問意又因更別說以誘引文侯欲使更問也此是

答述古樂之

情旅衆也和正以廣

集解鄭玄曰無姦聲也

弦匏笙簧合守

拊鼓

集解鄭玄曰合皆也言衆皆待擊鼓乃作也拊者以韋為表蒙之以糠也正義拊音敷武反拊

一名相亦奏古笙樂也弦琴也匏瓠屬也四十六簧

笙十九至十三簧也簧施於匏笙之管端者也合會

也守待也拊者皮為之以糠實如草囊也用手撫之

鼓也言奏弦匏笙簧之時若欲令堂上作樂則撫拊

堂上樂工聞撫拊乃弦歌也若欲令堂下作樂則擊鼓堂下樂工聞鼓乃吹管播樂也言弦匏笙簧皆待

拊為節故言始奏以文止亂以武集解鄭玄曰文謂鼓武謂金也治

亂以相訊疾以雅集解孫炎曰整其亂行節之以相赴敵迅疾超之以雅鄭玄曰相即

拊也亦以節樂雅亦樂器名狀如漆簫中有椎君子於是語於是道古修身

及家平均天下此古樂之發也今夫新樂進俯退俯

集解鄭玄曰俯猶曲也言不齊一也正義此第二述雜樂也俯曲也新樂行列不齊而進退曲也姦

聲以淫溺而不止集解王肅曰姦聲淫使人溺而不能自止及優侏儒集

王肅曰能優短人也優雜子女不知父子集解鄭玄曰優獼猴也言舞者如獼猴戲

亂男女尊卑也樂終不可以語不可以道古此新樂之發也

正義此結新樂答也今君之所問者樂也所好者音也正義此第三別

誘引文侯更問前故說此句言文侯所問乃是樂而好鏗鏘之音非律呂克諧之正樂也夫樂之

與音相近而不同集解鄭玄曰鏗鏘之類皆為音應律乃為樂文侯曰敢

問如何集解鄭玄曰欲知音樂異意子夏答曰夫古者天地順而

四時當正義當丁浪反此答古樂之由也民有德而

五穀昌疾疢不作而無祲祥此之謂大當集解鄭玄曰當謂不

失其所以然後聖人作為父子君臣以為之紀綱紀綱既

正天下大定天下大定然後正六律和五聲弦歌詩

頌此之謂德音德音之謂樂詩曰莫其德音其德克

明克明明克類克長克君王此大邦克順克俾

集解鄭玄曰德

正應和曰莫照臨四方曰明勤施無私曰類教誨不

倦曰長慶賞刑威曰君慈和偏服曰順俾當作此擇

善而從之曰比

集解鄭玄曰施延也言文王之德皆能如此故受天福延及後世也

今君之所

之謂也好者其溺音與

集解鄭玄曰言無文王之德則所好非樂

文侯曰敢問溺

音者何從出也子夏答曰鄭音好濫淫志

集解鄭玄曰濫淫竊

姦聲也正義子夏歷述四國之所由以答文侯也

宋音燕女溺志

集解王肅曰燕歡悅

衛音趣數煩志

集解孫炎曰趣數音促速而數變化鄭玄曰煩勞也

齊音驚辟

驕志四者皆淫於色而害於德是以祭祀不用也

集解

鄭玄曰言四國出此溺音

詩曰肅雍和鳴先祖是聽夫肅肅敬也

雍雍和也夫敬以和何事不行

集解鄭玄曰古者樂敬且和故無事而不

用溺音無所施

為人君者謹其所好惡而已矣君好之則臣

為之上行之則民從之詩曰誘民孔易此之謂也

集解

鄭玄曰誘進也孔甚也言民從君之所好惡進之於善無難也

然後聖人作為鞀鼓

控揭塤箎

集解鄭玄曰控揭謂柷敔索隱塤以土為之大如鵠子形似錘吹之為聲箎以竹為

之六孔一孔上出名翹橫吹之今之橫笛是也詩云伯氏吹塤仲氏吹箎是也此六者德音

之音也

集解鄭玄曰六者為本以其聲質

然後鍾磬竽瑟以和之十

戚旄狄以舞之此所以祭先王之廟也所以獻醕醑

酢也所以官序貴賤各得其宜也

集解鄭玄曰官序貴賤謂尊卑樂器

列數有差此所以示後世有尊卑長幼序也鐘聲鏗鏗以

立號

集解鄭玄曰號今所以警衆也王肅曰鐘聲高故以之立號也

號以立橫

集解鄭玄

曰橫充也謂氣作充滿

橫以立武君子聽鐘聲則思武臣石聲

硜

集解王肅曰聲果勁

硜以立別

集解鄭玄曰謂分明於節義

別以致死君

子聽磬聲則思死封疆之臣絲聲哀哀以立廉

集解鄭玄

曰廉庶隅

廉以立志君子聽琴瑟之聲則思志義之臣竹

聲濫

集解王肅曰濫會諸音

濫以立會會以聚衆君子聽竽笙

簫管之聲則思畜聚之臣鼓鼙之聲謹謹以立動動

以進衆君子聽鼓鼙之聲則思將帥之臣

集解鄭玄曰聞謹器

則人意動作也

君子之聽音非聽其鏗鎗而已也彼亦有所

合之也

集解鄭玄曰以聲合已意

賓牟賈侍坐於孔子

正義此第九章名賓

牟賈問者蓋孔子之問本為
牟賈而設故云牟賈問也

孔子與之言及樂曰夫

武之備戒之已久何也

集解鄭玄曰武謂周舞也備戒擊鼓警衆也正義此孔子

問牟賈及樂之事凡問有五此其一也備戒者謂將欲作樂前鳴鼓警戒使樂人各備容儀言初欲奏樂

時既已備戒使有節奏故今武備者備戒已久疑其遲久故問之也

答曰病不得其衆

也

集解鄭玄曰病猶憂也以不得衆心為憂憂其難正義牟賈答也亦有五而二答是三答非今答是

也言武王伐紂時憂不得衆心故前鳴鼓戒衆久之乃出戰也故今舞者久久乃出衆武王憂不得衆心

故永嘆之淫液之何也

集解鄭玄曰永嘆淫液歌也正義此第二問也答

曰恐不逮事也

集解鄭玄曰逮及也事戎事也正義此答亦是也言衆士望武王欲伐逮

恒忍不及戎事之機發揚蹈厲之已蚤何也

集解王肅曰厲

疾也備戒雖久至其發作又疾也正義第三問也發

初也揚舉袂也蹈頃足蹈地厲顏色勃然如戰色也

問樂舞何意發初揚袂又蹈頃答曰及時事也

集解

足蹈地勃然作色何忽如此也

鄭玄

曰時至武事當施也王肅曰欲令之事各及時正義

此答非也牟賈意言發揚蹈厲象武王一人意欲及

時之事故早為此者也

武坐致右憲左何也

集解王肅曰右

鄭亦隨賈意注之也

膝至地左膝去地也正義憲音軒第四問也坐

答曰

跪也致至也軒起也問舞人何忽有時而跪也

答曰

非武坐也

集解鄭玄曰言武之事無坐也正義此

答

聲淫及商何也

集解王肅曰聲深淫

答曰非武音也

集解王肅曰言武王不獲已為天下
除殘非貪商也正義此答又非也
子曰若非武音

則何音也

正義孔子評其答武音不貪但不

答曰有

司失其傳也

集解鄭玄曰有司典樂者傳猶說也正

司傳之謬妄

如非有司失其傳則武王之志荒矣

集解

故有此矣

鄭玄曰荒老耄也言典樂者失其說時人妄說也正

義賈又云假令非傳者謬妄則是武王末年志荒

耄之時故有

子曰唯丘之聞諸萇弘亦若吾子之言

是也

集解鄭玄曰萇弘周大夫索隱大戴禮云孔子適周訪禮於老聃學樂於萇弘是也正義萇音

直良反吾子牟賈也言我聞萇弘所言亦如賈今所言之也

賓牟賈起免席而請

曰正義免猶避也前所答四事五不祇叩問夫武之

備戒之已久則既聞命矣集解孫炎曰聞命謂言是敢問遲之遲

而又久何也集解鄭玄曰遲之遲謂久立於綴子曰居吾語汝集解鄭玄

曰居猶安坐也夫樂者象成者也集解王肅曰象成功而為樂總干而山

立集解王肅曰總持干楯山立不動武王之事也正義此下明應象成之事也答所以

遲也象武王伐紂持楯立以發揚蹈厲太公之志也

待諸侯至故云武王之事也集解王肅曰志在鷹揚也正義答遲久已竟而牟賈

前答發揚蹈厲以為象武王欲及時事非也言此是

太公志耳太公相武王伐紂志願武

王之速得自奮其威勇以助之也武亂皆坐周召

之治也

集解王肅曰武亂武之治也皆坐以象安民無事也正義賈前答武坐非也因又為之說

言當伐紂時士卒行伍有亂者周召二公以治正之使其跪敬致右軒左以待處分故今八佾象闕時之

亂挨相正之則俱跪跪乃更起以作行且夫武始而列象周召之事耳非武舞有坐之也

北出集解鄭玄曰始奏象觀兵盟津時也正義說五事既竟而遲久之意未周故更廣其象成之事

非答前五事故云且夫也始而北出者謂奏樂象武王觀兵孟津之時也王居鎬在南紂居朝歌在河北

故儻者南來時楮再成而滅商集解鄭玄曰成猶奏向北尚象之也再奏象克殷時正

義再成謂儻者再來奏時也儻者初始前一向北而不儻象武王前觀孟津不伐而反也至再往而向北

遂奏成三成而南集解王肅曰誅紂已而南正義儻擊刺者第三奏往而轉向南象武王勝

紂向南還鎬之時也

四成而南國是疆

集解王肅曰有南國以爲疆界正義僭者第四

奏象周太平時南方荆蠻

五成而分陝周公左召公

右集解王肅曰分陝東西而治正義僭者至第五奏而東西中分之爲左右二部象周太平後周公召

公分職爲左六成復綴以崇天子

集解鄭玄曰六奏象兵還振旅也復

綴反位止也王肅曰以象尊崇天子夾振之而四伐盛威於中國也

集解

王肅曰振威武也四伐者伐四方與紂同惡者一擊一刺爲一伐也正義夾音古合反夾振謂武王與大

將軍夾軍而奮鐸振動士卒也言當奏武樂時亦兩人執鐸夾之爲節之象也凡四伐到一止當伐紂時

士卒皆四伐一止也故牧誓云今日之事不過四分伐五伐是也故作武樂舞者亦以干戈伐之象也

夾而進

集解徐廣曰一作遲

事蚤濟也

集解王肅曰分部而並進者欲事早成

久

立於綴以待諸侯之至也

集解鄭玄曰象武王伐紂待諸侯也

且夫女

獨未聞牧野之語乎

集解鄭玄曰欲語以作武樂之意正義今衛州所理汲縣即牧

野之地也更欲語年賈奏武樂遲久之意其語即下所陳是也

武王克殷反商

集解鄭玄

曰反當為及未及下車

正義車戎車也軍法一車三人乘之步卒七十二牧誓云

戎車三百兩則二萬二千五百人也

而封黃帝之後於薊封帝堯之後

於祝

正義地理志云平原郡祝阿縣也薊音計幽州縣是也

封帝舜之後於陳

正義陳州宛丘縣故陳城是也

下車而封夏后氏之後於杞

正義汴州雍丘

縣故封殷之後於宋封王子比干之墓

集解鄭玄曰

比干之墓

釋箕子之囚使之行商容而復其位

集解徐廣

崇賢也

曰周本紀曰命召公釋箕

庶民弛政庶士倍祿

集解鄭玄

子之囚又曰表商容之間

曰弛政去紂時苛役

正義濟渡也河黃河

倍祿復其紂時薄者

濟河而西

正義濟渡也河黃河

武王伐紂事畢從

懷州河陽縣南渡河至洛

州從洛城而西歸鎬京也

馬散華山之陽

而弗復乘牛散桃林之野

集解徐廣曰在弘農縣今曰桃立

而不復

服

正義示無復用服亦乘也桃林在華山之旁此二

前處故尚書武成篇序云

車甲弢

集解徐廣

而藏之

武王伐殷往伐歸獸是也

府庫而弗復用倒載干戈苞之以虎皮

集解鄭玄曰包干戈以虎

皮明能以武服兵也

將率之士使為諸侯名之曰建橐

集解王肅曰所

以能橐弓矢而不用者將率之士力也故建以為諸侯謂之建橐也

然後天下知武王

之不復用兵也散軍而郊射

集解鄭玄曰郊射為射宮於郊也王肅曰郊有

學宮可以習禮也

左射狸首右射騶虞而貫草之射息也

集解

鄭玄曰左東學右西學也狸首騶虞所歌為節也貫草射穿甲草也

裨冕搢笏而虎賁

之士稅劔也

集解鄭玄曰裨冕衣裨衣而冠冕也裨衣袂之屬也搢插也

祀乎明

堂而民知孝

集解鄭玄曰文王之廟為明堂

朝覲然後諸侯知所以

臣耕籍

集解鄭玄曰耕籍籍田也

然後諸侯知所以敬五者天下

之大教也食三老五更於太學

集解鄭玄曰老更互言之耳皆老人更知

三德五事者也周名太學曰東膠

天子袒而割牲執醬而饋執爵而

醕冕而總干

集解鄭玄曰冕而總干在舞位

所以教諸侯之悌也若

此則周道四達禮樂交通則夫武之遲久不亦宜乎

集解鄭玄曰言武遲久為重禮樂也

子貢見師乙而問焉

集解鄭玄曰師樂官也乙

名也曰賜聞聲歌各有宜也

集解鄭玄曰氣順性

如賜者宜何歌

也師乙曰乙賤工也

集解鄭玄曰樂人稱工也

何足以問所宜請

誦其所聞而吾子自執焉

集解鄭玄曰執猶處也

寬而靜柔而

正者宜歌頌廣大而靜疏達而信者宜歌大雅恭儉

而好禮者宜歌小雅正直清廉而謙者宜歌風肆直

而慈愛者

集解鄭玄曰肆正也

宜歌商溫良而能斷者宜歌齊

夫歌者直已而陳德

集解鄭玄曰各因其德歌所宜

動已而天地應

焉四時和焉星辰理焉萬物育焉

集解鄭玄曰育生也

故商者

五帝之遺聲也商人志之故謂之商齊者三代之遺

聲也齊人志之故謂之齊明乎商之詩者臨事而屢

斷集解鄭玄曰

明乎齊之詩者見利而讓也

集解鄭玄曰以

其溫良而能斷也

臨事而屢斷勇也見利而讓義也有勇有

義非歌孰能保此故歌者上如抗下如隊曲如折止

如橐木居中矩句中鉤累累乎殷如貫珠

集解鄭玄曰言歌聲

之著動人心之審而有此聲

故歌之為言也長言之也

集解鄭玄曰長言引

其說之故言之言之不足故長言之長言之不足故

嗟嘆之嗟嘆之不足故不知手之舞之足之蹈之

集解

鄭玄曰手舞足蹈懼之至

子貢問樂

正義結此前事悉是答子貢問之事其樂記者公孫尼子

次撰也為樂記通天地貫人情辨政治故細解之以
前劉向別錄篇次與鄭目錄同而樂記篇次又不依
鄭目今此又篇次顛倒者以褚先生升降故今亂也
今逐舊次第隨段記之使後畧知也以後文出褚意
耳

凡音由於人心天之與人有以相通如景之象形
響之應聲故為善者天報之以福為惡者天與之以
殃其自然者也故舜彈五弦之琴歌南風之詩而天
下治紂為朝歌北鄙之音身死國亡舜之道何弘也
紂之道何隘也夫南風之詩者生長之音也舜樂好
之樂與天地同意得萬國之驩心故天下治也夫朝

歌者不時也。北者敗也。鄙者陋也。紂樂好之，與萬國

殊心。諸侯不附，百姓不親，天下畔之，故身死國亡而

衛靈公之時

正義時衛都楚丘楚故城在宋州楚丘縣北三十里衛之楚丘邑也

將之

晉至於濮水之上舍

正義括地志云在曹州離狐縣界即師延投處也

夜半

時聞鼓琴聲，問左右皆對曰：「不聞。」乃召師涓曰：「吾聞

鼓琴音，問左右皆不聞其狀，似鬼神，為我聽而寫之。」

師涓曰：「諾。」因端坐援琴聽而寫之。明日曰：「臣得之矣。」

然未習也。請宿習之。」靈公曰：「可。」因復宿。明日報曰：「習

矣即去之晉見晉平公平公置酒於施惠之臺

正義一本

慶祁之堂左傳云虜祁之宮杜預云虜祁地名也在絳州西四十里臨汾水也酒酣靈公曰

今者來聞新聲請奏之平公曰可即令師涓坐師曠旁援琴鼓之未終師曠撫而止之曰此亡國之聲也不可聽平公曰何道出師曠曰師延所作也與紂為靡靡之樂武王伐紂師延東走自投濮水之中故聞此聲必於濮水之上先聞此聲者國削平公曰寡人所好者音也願遂聞之師涓鼓而終之平公曰音無

此最悲乎師曠曰有平公曰可得聞乎師曠曰君德義薄不可以聽之平公曰寡人所好者音也願聞之師曠不得已援琴而鼓之一奏之有玄鶴二八集乎廊門再奏之延頸而鳴舒翼而舞平公大喜起而為師曠壽反坐問曰音無此最悲乎師曠曰有昔者黃帝以大合鬼神今君德義薄不足以聽之聽之將敗平公曰寡人老矣所好者音也願遂聞之師曠不得已援琴而鼓之一奏之有白雲從西北起再奏之大

風至而雨隨之飛廊瓦左右皆奔走平公恐懼伏於廊屋之間晉國大旱赤地三年聽者或吉或凶夫樂不可妄興也太史公曰夫上古明王舉樂者非以娛心自樂快意恣欲將欲為治也正教者皆始於音正而行正故音樂者所以動盪血脉通流精神而和正心也故宮動脾而和正聖商動肺而和正義角動肝而和正仁徵動心而和正禮羽動腎而和正智故樂所以內輔正心而外異貴賤也上以事宗廟下以

變化黎庶也琴長八尺一寸正度也弦大者為宮而
居中央君也商張右傍其餘大小相次不失其次序
則君臣之位正矣故聞宮音使人溫舒而廣大聞商
音使人方正而好義聞角音使人惻隱而愛人聞徵
音使人樂善而好施聞羽音使人整齊而好禮夫禮
由外入樂自內出故君子不可須臾離禮須臾離禮
則暴慢之行窮外不可須臾離樂須臾離樂則姦邪
之行窮內故樂音者君子之所養義也夫古者天子

諸侯聽鐘磬未嘗離於庭卿大夫聽琴瑟之音未嘗
離於前所以養行義而防淫佚也夫淫佚生於無禮
故聖王使人耳聞雅頌之音目視威儀之禮足行恭
敬之容口言仁義之道故君子終日言而邪辟無由
入也

索隱述贊曰樂之所興在乎防欲陶心暢志舞手蹈
足舜曰簫韶融稱屬續審音知政觀風變俗端如貫
珠清同叩玉洋洋
盈耳咸英餘曲

史記卷二十四

史記卷二十四考證

樂書○

臣照

按樂書謂褚先生補者亦出張守節正義
今攷太史公曰以下敘虞書以至秦二世見古樂之
失傳自高祖過沛至天馬來志漢樂之梗槩後載汲
黯正直之言公孫誚諛之語以結之以明漢樂之所
以不興當馬遷之時所應作之樂書如是止矣然則
樂書未嘗不竟也後人復將樂記全寫入公孫弘語
之下又取晉平公事不經之談以附益之而馬遷之

義始晦矣今別而出之

樂者音之所由生也正義合音乃成樂是樂由音而生
諸樂生起所由之生也○丈似有誤宜云諸樂生起
之所由也

其聲麤以厲正義心隨怒而發揚故無輒礙○今禮記
疏作輒礙又以發揚無輒礙為喜心所感

是故先王慎所以感之正義六事隨見而動非關本性
先王聖人在上制正禮以防之○先王二字衍

凡音者生於人心者也正義自人心生而靜至王道備矣為一重○心字衍宜云自人生而靜

則是物至而人化物也集解鄭玄曰隨物變化○今鄭注禮記無此語

和故百物不失正義樂與天地同和能生成性萬物○性字衍

欣喜驩愛樂之容也正義賀場云八音克諧使物欣喜○禮記疏引賀場云使物歡欣

千戚之舞非備樂也正義千戚周武也○周武疑武舞二字之誤

夔始作樂以賞諸侯集解鄭玄曰夔欲舜與天下之君共此樂○今鄭注無此語

教者民之寒暑也教不時則傷世事者民之風雨也事不節則無功○衛湜禮記集說引張守節曰樂以氣和民心如天地寒暑以氣生化故謂樂為民之寒暑也風雨之事謂之禮也禮以形教故曰事也天地之

以風雨奮潤萬物猶以禮安治萬民故謂禮為民之風雨也與今本史記正義不同

禮樂見天地之情○監本作順天地之誠臣照按樂記

作禮樂見天地之情正義云見胡練反又云見地之情見天之情可知古本亦作見天地之情也今依樂記改正

胎生者不殯集解鄭玄曰肉敗曰殯○鄭注樂記曰內敗曰殯陸氏釋文云內乃對反或作骨肉之肉者誤

則唐時本亦有作肉者矣然究是內字

樂者非謂黃鐘大呂弦歌干揚也集解鄭玄曰揚鉞也
○今鄭注樂記無此語

然後可以有制於天下也集解鄭玄曰言尊卑備乃可
制作以為治○鄭注樂記作可以為治法

而鄙詐之心入之矣集解鄭玄曰謂利欲生也○鄭注
樂記云鄙詐是貪多利偽生

彼亦有所合之也集解鄭玄曰以聲合已意○鄭注樂

記云以聲合成已之志

肆直而慈愛者集解鄭玄曰肆正也○今鄭注樂記無此語

累累乎殷如貫珠集解鄭玄曰言歌聲之著動人心之審而有此聲○鄭注樂記作如有此事

而衛靈公之時正義時衛都楚丘楚故城在宋州楚丘縣北三十里○楚丘下楚字衍

史記卷二十四考證

謹案卷二十三第一頁後二行君臣朝廷尊卑貴賤有序各本廷訛儀據本書改

第四頁前一行是躬化節儉謂何嫌耳嫌字疑當作如

第五頁後二行側特也各本特訛持下同據索隱本及儀禮鄭注改

第八頁後五行東至下蔡入淮也刊本沿監本誤也作地考證亦訛今改

第十頁前四行刑三人而天下治刊本三訛二據

王鏊本改

第十四頁後三行錯規矩方員下有脫字各本俱
無無可考審禮詐偽自消滅矣刊本脫審禮詐
偽四字據王鏊本增

考證第一頁前四行疏房牀第刊本第訛第下同
今改

第三頁後五行終乎稅刊本稅訛稅據本書改

第四頁前三行四行入焉而弱入焉而嫌刊本焉
訛馬今改

卷二十四第一頁後三行今樂記惟有十一篇刊
本惟訛雖今改

第三頁後三行習常肆舊而已刊本肆訛隸正義
同今並改

第七頁前四行言以八音和否隨政也案禮記注
無以字

第八頁後一行衛國樂師師涓刊本衛詒晉據本
書改

第十六頁前三行正義三明天應禮樂也案下文
化不時則不生節正義此作天地應禮樂此脫
地字

第二十頁前三行南風養萬物而孝子歌之言得
父母生長刊本歌之詒之歌言詒也據禮記疏
改

第二十頁後七行大章刊本大訛泰據正義及禮
記改

第二十四頁後四行菽豆之屬上當有曲出曰區
四字

第二十七頁前八行集解廣大之音也刊本脫音
字今增

第三十頁前二行皆有本非可假偽案下文德者
性之端也節正義此皆字上當有三明邪正四

字

第三十三頁前二行皆不可偽刊本不可偽訛作
可為也據上文凡姦聲感人節正義改正

第三十四頁後三行明以整歸德也案禮記鄭注
無德字

第三十六頁前一行由於深審樂以治心之故刊
本治訛結據本書

考證第一頁後六行禮記疏作輒疑刊本輒訛輟

據禮記疏改

第二頁後四行夔欲舜與天下之君共此樂考證
謂鄭注無此語按今武英殿本夔始制樂下
見有此語似未及檢



欽定四庫全書

總校官庶吉士臣侍朝

校對官檢討臣王鍾健

謄錄監生臣孫起鵬

欽定四庫全書薈要

史部
史記卷二十五

詳校官主事銜臣徐以坤



史記卷二十五

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

律書第三

王者制事立法物度軌則壹稟於六律

索隱案律有十
二陽六為律黃



鍾太簇姑洗蕤賓夷則無射陰六為呂大呂夾鍾中呂
林鍾南呂應鍾是也名曰律者釋名云律述也所以述
陽氣也律歷志云呂旅陽宣氣也案古律用竹又用玉
漢末以銅為之呂亦稱閒故有六律六閒之說元閒大
呂二閒夾鍾是也漢京房知五音六律之數十二律之
變至六十猶八卦之變為六十四卦也故中呂上生執
始執始下生去滅上下相

六律為萬事根本焉

索隱律歷志云

生終於南事而六十律畢

夫推歷生律制器規圓矩方權重衡平準繩嘉量
探蹟索隱鈞深致遠莫不用焉是萬事之根本也

其於

兵械尤所重

索隱易稱師出以律是於兵械尤重也正義內成曰器外成曰械械謂弓矢矛戈

戟劉伯莊云吹律審聲聽樂知政師曠
審歌知晉楚之彊弱故云兵家尤所重

故云望敵知吉

凶

索隱凡敵陣之上皆有氣色氣強則聲強聲強則其
衆勁律者所以通氣故知吉凶也正義凡兩軍相敵

上皆有雲氣及日暈天官書云暈等力鈞厚長大有勝
薄短小無勝故望雲氣知勝負彊弱引舊語乃曰故云

聞聲效勝負

正義周禮云太史執同律以聽軍聲而詔其吉凶左傳云師曠知南風之不競即其

類

百王不易之道也武王伐紂吹律聽聲

索隱其事當有所出今則

未詳推孟春以至于季冬殺氣相并

正義人君暴虐酷急即常寒應寒生北方

乃殺氣也武王伐紂吹律從春至冬殺氣相并律亦應之故洪範咎徵云急常寒若是也

而音尚宮

正義兵書云夫戰大師吹律合商則戰勝軍士彊角則軍擾多變失士心宮則軍和士卒同心徵則將急數怒

軍士勞羽則兵弱少威焉

同聲相從物之自然何足怪哉兵者聖人

所以討彊暴平亂世夷險阻救危殆自含血戴角之獸

見犯則校而況於人懷好惡喜怒之氣喜則愛心生怒

則毒螫加

正義螫音釋

情性之理也昔黃帝有涿鹿之戰以

定火災

集解文穎曰神農子孫暴虐黃帝伐之故以定火災

顓頊有共工之陳以

平水害

集解文穎曰共工主水官也少昊氏衰秉政作虐故顓頊伐之本主水官因為水行也

成

湯有南巢之伐以殄夏亂

正義南巢今廬州巢縣是也淮南子云湯伐桀放之歷山

與桀喜同舟浮江奔南巢之山而死按巢即山名古巢伯之國云南巢者在中國之南也

遞興遞廢

勝者用事所受於天也自是之後名士迭興晉用咎犯

正義狐偃也咎季也又云胥臣也

而齊用王子

索隱徐廣云子成父

吳用孫武申

明軍約賞罰必信率伯諸侯兼列邦土雖不及三代之

誥誓然身寵君尊當世顯揚可不謂榮焉豈與世儒闇

於大較

索隱大較大法也淳于髡曰車不較則不勝其任是也較音角

不權輕重猥云

德化不當用兵大至窘辱失守

索隱徐廣云如宋襄公是也

小乃侵

犯削弱遂執不移等哉故教答不可廢於家刑罰不可

捐於國誅伐不可偃於天下用之有巧拙行之有逆順

耳夏桀殷紂手搏豺狼足追四馬勇非微也百戰克勝

諸侯懾服權非輕也秦二世宿軍無用之地

索隱謂常擁兵郊野

之外也正義謂三十萬備北關五十萬守五
嶺也云連兵於邊陲即是宿軍無用之地也

連兵於邊

陲力非弱也結怨匈奴絀禍於越

正義絀朝卦反顧野王云絀者所礙勢

勢

非寡也及其威盡勢極閭巷之人為敵國咎生窮武之

不知足甘得之心不息也高祖有天下三邊外畔大國

之王雖稱蕃輔臣節未盡會高祖厭苦軍事亦有蕭張

之謀故偃武一休息羈縻不備歷至孝文即位將軍陳

武等議曰南越朝鮮

正義潮仙二音高驪平壤城本漢樂浪郡王險城即古朝鮮地時朝

鮮王滿據之也自全秦時內屬為臣子後且擁兵阻阨選蠕觀

望

集解阮音危賣反選音思克反蠕音而克反
索隱蠕音軟選蠕謂動身欲有進取之狀也

高祖時

天下新定人民小安未可復興兵今陛下仁惠撫百姓

恩澤加海內宜及士民樂用征討逆黨以一封疆孝文

曰朕能任衣冠

正義朕音而禁反

念不到此會呂氏之亂功臣

宗室共不羞恥誤居正位常戰戰慄慄恐事之不終且

兵凶器雖克所願動亦耗病謂百姓遠方何又先帝知

勞民不可煩故不以為意朕豈自謂能今匈奴內侵軍

吏無功邊民父子荷兵日久

正義荷音何我反

朕常為動心傷

痛無日忘之今未能銷距願且堅邊設候結和通使休
寧北陲為功多矣且無議軍故百姓無內外之繇得息
肩於田畝天下殷富粟至十餘錢鳴雞吠狗煙火萬里
可謂和樂者乎

太史公曰文帝時會天下新去湯火

索隱謂秦亂楚漢
交兵之時如遭墜

湯火即書云
民墜塗炭也

人民樂業因其欲然能不擾亂故百姓遂

安自年六七十翁亦未嘗至市井游敖嬉戲如小兒狀

孔子所稱有德君子者邪

索隱論語曰善人為邦百
年亦可以勝殘去殺也

書

曰七正二十八舍

索隱七正者日月五星也七者可以正天時又孔安國曰七正日月五星

各異政二十八舍即二十八宿之所舍也舍止也宿次也言日月五星運行或舍於二十八次之分也律

歷天所以通五行八正之氣

索隱八正謂八節之氣以應八方之風

天所

以成熟萬物也舍者日月所舍舍者舒氣也不周風居

西北主殺生東壁居不周風東主辟生氣

索隱辟音闕

而東

之至於營室

索隱定星也定中而可作室故曰營室正義天官書云營室為清廟曰離宮閭道是

有宮室象此言主營胎陽氣而產之二說不同

營室者主營胎

集解徐廣曰一作舍

陽氣

而產之東至于危危坼也

索隱坼音鬼毀反

言陽氣之危坼故

曰危十月也律中應鍾

正義應乙證反白虎通云應者應也言萬物應陽而動下藏也

漢初依秦以十月為歲首故起應鍾

應鍾者陽氣之應不用事也其於十

二子為亥亥者該也

索隱律歷志云該閏於亥正義孟康云閏藏塞也陰雜陽氣藏塞為

萬物作種也

言陽氣藏於下故該也廣莫風居北方廣莫者

言陽氣在下陰莫陽廣大也故曰廣莫東至於虛虛者

能實能虛言陽氣冬則宛藏於虛

正義宛音蘊

日冬至則一

陰下藏一陽上舒故曰虛東至于須女

索隱娶女名也

言萬物

變動其所陰陽氣未相離尚相如胥也故曰須女十一

月也律中黃鍾

正義白虎通云黃中和之氣言陽氣於黃泉之下動養萬物也

黃鍾者

陽氣踵黃泉而出也其於十二子為子子者滋也滋者

言萬物滋於下也其於十母為壬癸壬之為言任也言

陽氣任養萬物於下也癸之為言揆也言萬物可揆度

故曰癸東至牽牛牽牛者言陽氣牽引萬物出之也牛

者冒也言地雖凍能冒而生也牛者耕植種萬物也東

至於建星建星者建諸生也十二月律中大呂大呂者

其於十二子為丑丑者紐也言陽氣在上未降萬物厄

紐未敢出條風居東北主出萬物條之言條治萬物而

出之故曰條風南至於箕箕者言萬物根棋

集解徐廣曰一作橫

故曰箕正月也律中泰族

正義族音千豆反白虎通云泰者大也族者濇也言萬物

始大濇地而出之也

泰族者言萬物族生也故曰泰族其於十二

子為寅

索隱音以真反

寅言萬物始生蟬然也

索隱蟬音引又音慎

故曰

寅南至於尾言萬物始生如尾也南至於心言萬物始

生有華心也

集解徐廣曰一作莖

南至於房房者言萬物門戶也

至於門則出矣明庶風居東方明庶者明衆物盡出也

二月也律中央鍾

正義白虎通云中央甲也言萬物乎甲種類分也

夾鍾者言

陰陽相夾厠也其於十二子為卯卯之為言茂也言萬

物茂也其於十母為甲乙甲者言萬物剖符甲而出也

集解符音乎索隱符甲猶乎甲也

乙者言萬物生軋軋也南至于氏

正義

氏音丁禮反

氏者言萬物皆至也南至於亢亢者言萬物亢

見也南至於角角者言萬物皆有枝格如角也三月也

律中姑洗

正義姑音沽洗音先典反白虎通云姑者故也洗者鮮也言萬物去故就新莫不鮮明也

姑洗者言萬物洗生其於十二子為辰辰者言萬物之

蜚也

集解蜚音之慎反索隱蜚音振或作蜚同音律歷志云振義於辰

清明風居東南

維主風吹萬物而西之軫軫者言萬物益大而軫軫然

西至於翼翼者言萬物皆有羽翼也四月也律中中呂

正義中音仲白虎通云言陽氣將極中充大也故復中言之也

中呂者言萬物盡旅而

西行也其於十二子為巳巳者言陽氣之巳盡也西至

于七星七星者陽數成於七故曰七星西至于張張者

言萬物皆張也西至于注

索隱注音丁救反注味也天官書云柳為鳥味則注柳星

也

注者言萬物之始衰陽氣下注故曰注五月也律中

麤賓

正義麤音仁佳反白虎通云麤者下也賓者敬也言陽氣上極陰氣始賓敬之也

麤賓者

言陰氣幼少故曰麤痿陽不用事故曰賓景風居南方

景者言陽氣道竟故曰景風其於十二子為午午者陰

陽交故曰午

索隱律歷志云
惺布於午也

其於十母為丙丁丙者言

陽道著明故曰丙丁者言萬物之丁壯也故曰丁酉至

于弧弧者言萬物之吳落

集解徐廣曰
吳一作柔

且就死也酉至

于狼狼者言萬物可度量斷萬物故曰狼涼風居西南

維主地地者沈奪萬物氣也

正義沈
一作先

六月也律中林鍾

正義白虎通云林者衆也言萬物成熟種類多也

林鍾者言萬物就死氣林林

然其於十二子為未來者言萬物皆成有滋味也

索隱律歷

志昧愛於未其意殊

北至于罰罰者言萬物氣奪可伐也北至于

參

正義音所林反

參言萬物可參也故曰參七月也律中夷則

正義白虎通云夷傷也則法也言萬物始傷被刑法也

夷則言陰

集解徐廣曰一作陽

氣之

賊

集解徐廣曰一作則

萬物也其於十二子為申申者言陰用事

申賊萬物

集解徐廣曰一作則索隱律歷志物堅於申也

故曰申北至于濁

索隱

按爾雅云濁謂之畢

濁者觸也言萬物皆觸死也故曰濁北至于

留

索隱留即昴也毛傳亦以留為昴

留者言陽氣之稽留也故曰留八

月也律中南呂

正義白虎通云南任也言陽氣尚任包大生薺麥也

南呂者言陽

氣之旅入藏也其於十二子為酉酉者萬物之老也

索隱

律歷志留

故曰酉閭闔風居西方閭者倡也闔者藏也

熟於酉也

言陽氣道萬物闔黃泉也其於十母為庚辛庚者言陰

氣庚萬物故曰庚辛者言萬物之辛生故曰辛北至于

胃胃者言陽氣就藏皆胃胃也北至于婁婁者呼萬物

且內之也北至于奎

集解徐廣曰一作婁索隱天官書奎為溝瀆婁為聚眾胃為天倉今

此說異及六律十母又與漢書不同各是異家之說也

奎者主毒螫殺萬物也奎

而藏之九月也律中無射

正義音亦白虎通云射終也言萬物隨陽而終當復隨陰

而起無有終已此說六呂十干十二支與漢書不同

無射者陰氣盛用事陽氣無

餘也故曰無射其於十二子為戌戌者言萬物盡滅故

曰戌

索隱律歷志畢入於戌也

律數

九九八十一以為宮

三分去一五十四以為徵

三分益一七十二以為商

三分去一四十八以為羽

三分益一六十四以為角

黃鍾長八寸十分一宮

索隱案上文云律九九八十一故云長八寸十分一而漢書云

黃鍾長九寸者九分之寸也劉歆鄭玄等皆以長九寸即十分之寸不依此法也云宮者黃鍾為律之首宮為五音之長十一月以黃鍾為宮則聲得其正舊本多作七分益誤也

大呂長七寸五分三分一

索隱謂十一月以黃鍾為宮五行相次大呂為商者大呂

所以助陽宣化

太簇長七寸七分二角

夾鍾長六寸一分三分一

姑洗長六寸七分四羽

索隱亦以金生水故也

仲呂長五寸九分三分二微

蕤賓長五寸六分三分一

林鍾長五寸七分四角

索隱水生木故以為角不用蕤賓者以陰氣起陽不用事故去

也

夷則長五寸四分三分二商

南呂長四寸七分八微

無射長四寸四分三分二

應鍾長四寸二分三分二羽

生鍾分

索隱此算術生鍾律之法也正義分音扶問反

子一分

索隱自此已下十一辰皆以三乘之為黃鍾積實之數也

丑三分二

索隱案子律黃

鍾長九寸

林鍾為衡衡長六寸以九比六三分少一

寅

故云丑三分二

即是黃鍾三分去一下生林鍾數也

九分八

索隱十二律以黃鍾為主黃鍾長九寸太簇長八寸圓八分寅九分八即是林鍾三分益一上

生太簇之義也正義孟康云元氣始起於子未分之時天地人混合為一故子數獨一漢書律歷志云太極元

氣函三為一行於十二辰始動於子參之於丑得三又參於寅得九又參之於卯得二十七又參之於辰得八十一又參之於巳得二百四十三又參之於午得七百二十九又參之於未得二千一百八十七又參之於申得六千五百六十一又參之於酉得萬九千六百八十三又參之於戌得五萬九千四十九又參之於亥得十七萬七千一百四十七此陰陽合德氣鍾於子化生萬物者也然丑三分二寅九分八者並是分之餘數而漢書不說也卯二十七分十六索隱此以丑三乘寅寅三乘卯三分寸之一以三約二十七得九即黃鍾之本數又以三約十六得五縣三分之一即南呂之長故云卯二十七分十六亦是太簇三分去一下生南呂之義已下八辰並準此然丑三分二寅九分八者皆分之餘數也

辰八十一分六十四巳二百四十三分一百二十八午

七百二十九分五百一十二未二千一百八十七分一
千二十四申六千五百六十一分四千九十六酉一萬
九千六百八十三分八千一百九十二戌五萬九千四
十九分三萬二千七百六十八亥十七萬七千一百四
十七分六萬五千五百三十六

生黃鍾

術曰以下生者倍其實三其法

索隱案蔡邕云陽生陰為下生陰生陽為上生

又律歷志云陰陽相生自黃鍾始而左旋八八為伍孟康註云從子數辰至未得八下生林鍾數又自未至寅

亦得八上生太簇律是也然上下相生皆以此為率今
云以下生者謂黃鍾下生林鍾黃鍾長九寸倍其實者
二九十八三其法者以三為以上生者四其實三其法

法約之得六為林鍾之長也以上生者四其實三其法
索隱四其實者謂林鍾上生太簇林鍾長六寸以四
乘六得二十四以三約之得八即為太簇之長也上

九商八羽七角六宮五徵九索隱此五聲之數亦上生

去一下生徵益一上生商商去一下生羽羽益一上生角然此文似數錯未暇研覈也置一而九

三之以為法索隱漢書律歷志曰太極元氣函三為一

又參之於寅得九是謂置一而九三之也韋昭曰置一
而九以三乘之是也樂彥云一氣生於子至丑而三
一三也又自丑至酉為九
皆以三乘之是九三也
實如法得長一寸索隱實謂以子一來

丑三至亥得十七萬七千一百四十七為實數如法謂
以上萬九千六百八十三之法除實得九為黃鍾之長
言得一者算術設法辭也得下有長一下有寸者皆衍
字也韋昭云得九寸之一也姚氏謂得一即黃鍾之子
數凡得九寸命曰黃鍾之宮故曰音始於宮窮於角

索隱

即如上文宮下生徵徵上生商
商下生羽羽上生角是其窮也數始於一終於十成於

三氣始於冬至周而復生神生於無形

正義無形為太陽氣天地未形

之時言神本在太

虛之中而無形也成於有形

正義天地既分二儀已質萬物之形成於天地之間

神在其中

然後數形而成聲

正義數謂天數也聲謂宮商角徵羽也言天數既形則能成其

五聲也

故曰神使氣氣就形形理如類有可類或未形而

未類或同形而同類類而可班類而可識聖人知天地

識之別故從有以至未有

正義從有謂萬物形質也未有謂天地未形也

以得

細若氣微若聲

正義氣謂太易之氣聲謂五聲之聲也

然聖人因神而存

之正義言聖人因神理其形體尋迹至於太易之氣故云因神而存之上云從有以至未有是也

雖妙

必効情核其華道者明矣

正義妙謂微妙之性也効猶見也核研核也華道神妙之

道也言人雖有微妙之性必須程督己之情理然後研核神妙之道乃能究其形體辨其成聲故謂明矣故下云非有聖心以乘聰明孰能存天地之神而成形之情哉是也非有聖心以乘聰明孰

能存天地之神而成形之情哉神者物受之而不能知

及其去來

正義言萬物受神妙之氣不能知覺及神去來亦不能識其往復也

故聖人畏

而欲存之唯欲存之神之亦存

正義言聖人畏神妙之理難識而欲常存之唯

欲常存之故其神亦存也

其欲存之者故莫貴焉

正義言平凡之人欲得精神存者故

亦莫如貴神之妙焉

太史公曰在璇璣玉衡以齊七政即天地二十八宿

正義

宿音息袖反又音肅謂東方角亢氐房心尾箕南方井

鬼柳星張翼轸西方奎婁胃昂畢觜參北方斗牛女虛

危室壁凡二十八宿

十母

正義十干甲乙丙丁戊己庚辛壬癸

十二子

正義

一百二十八宿星也

十二支子丑寅卯辰巳午未申酉戌亥

鍾律調自上古建律運厯造日度

可據而度也

正義度音田洛反

合符節通道德即從斯之謂也

索隱述贊曰自昔軒后爰命冷綸雄雌是聽厚薄伊均以調氣候以軌星辰軍容取飾樂器斯因自微知著測化窮神大哉虛受含養生人

史記卷二十五

史記卷二十五考證

律書壹東於六律索隱漢京房知五音六律之數十二

律之變至六十律○

臣照

按律有六而音有五六律

之間為六呂而成十二五音之間為變宮變徵而為

七然十二仍六也七仍五也若自此律至彼律彼呂

則其間分數豈止六十引而伸之百千萬億不能盡

猶如入海筭沙矣即音又豈止于七大而雷霆小而

蟻蠆亦百千萬億不能盡也然而統之五音則盡矣

加之以二變則五音旋相為宮矣律亦如之統之以六則盡矣間之以六呂則可以正五音矣音者天也律者地也音者陽也律者陰也以天統地以陰從陽則萬物靡不該舉于其中若枚舉夫物謂天地陰陽莫不在物則物可盡數耶京房六十律何以異是後世律呂之失傳由京房始所為求明而反晦

其於兵械尤所重○

臣照

按械字為戒字之訛蓋審幾

察微莫精於律氣者生死之根也氣不可見以聲察

之兵者千萬人之死生係焉故于兵戒為尤重也於器械何涉索隱曰師出以律故于兵械為尤重也或索隱之文本亦作戒未可定若正義謂械者弓矢及矛戈戟則以傳訛為械而穿鑿附會也

武王伐紂吹律聽聲索隱其事當有所出今則未詳○

臣照

按至今明載周國語何未詳也

而音尚宮○正義監本訛舛不可讀今據周禮典同注改

成湯有南巢之伐以殄夏亂正義淮南子云湯伐桀放之歷山與末喜同舟浮江奔南巢之山而死○

臣世

駿按淮南修務訓云整兵鳴條困夏南巢譙以其過放之歷山無末喜同舟之語

五月也律中蕤賓蕤賓者言陰氣幼少故曰蕤痿陽不用事故曰賓景風居南方景者言陽氣道竟故曰景風其於十二子為午午者陰陽交故曰午其於十母為丙丁丙者言陽道著明故曰丙丁者言萬物之丁

壯也故曰丁酉至于弧弧者言萬物之吳落且就死也西至於狼狼者言萬物可度量斷萬物故曰狼涼風居西南維主地者沉奪萬物氣也六月也律中林鍾林鍾者言萬物就死氣林林然其於十二子為未未者言萬物皆成有滋味也北至於罰罰者言萬物氣奪可伐也北至於參參者言萬物可參也故曰參七月也○一本作五月也律中蕤賓蕤賓者言陰氣幼少故曰蕤痿陽不用事故曰賓其於十二子為

午午者陰陽交故曰午其於十母為丙丁丙者言陽道著明故曰丙丁者言萬物之丁壯也故曰丁景風居南方景者言陽氣道竟故曰景風六月也律中林鍾林鍾者言萬物就死氣林林然其於十二子為未未者言萬物皆成有滋味也西至於弧弧者言萬物之吳落且就死也西至於狼狼者言萬物可度量斷萬物故曰狼涼風居西南維主地地者沉奪萬物氣也北至於罰罰者言萬物氣奪可伐也北至於參參

者言萬物可參也故曰參七月也

律數○蔡元定曰黃鍾八寸十分一林鍾五寸十分四

太簇七寸十分二南呂四寸十分八姑洗六寸十分

四應鍾四寸二分三分二蕤賓五寸六分三分二

四強

百八十六大呂七寸五分三分二

強四百五

夷則五寸日

三分二

弱二百一十六

夾鍾六寸七分三分一

強一百九十八

無射

四寸四分三分二

強六百二

仲呂五寸九分三分二

五強

百八十一按律書此章所記分寸之法與他說不同以難

曉故多誤蓋取黃鍾之律九寸一寸九分凡八十一
分而又以十約之為寸故云八寸十分一本作七分
一者誤也今以相生次序列而正之其應鍾以下則
有小分小分以三為法如歷家太少餘分強弱耳其
法未密也今以二千一百八十七為全分七百二十
九為三分一一千四百五十八為三分二餘分之多
者為強少者為弱列於逐律之下其誤字悉正之隋
志引此章中黃鍾林鍾太簇應鍾四律寸分以為與

班固司馬彪鄭氏蔡邕杜夔荀勗所論雖尺有增減而十二律之寸數並同則是時律書尚未誤也及司馬貞索隱始以舊本作七分一為誤其誤亦未久也沈括亦曰此章七字皆當作十字誤屈中畫耳大要律書用相生分數相生之法以黃鍾為八十一分今以十為寸法故有八寸一分漢前後志及諸家用審度分數審度之法以黃鍾之長為九十分亦以十為寸法故有九十分法雖不同其長短則一故隋志云

寸數並同也

神者物受之而不能知及其去來○

臣照

按及字衍文

言物受之而不能知其去來也何以不能知以知者
神知之神不知神猶日不見日眼不見眼也雖然神
無去來受者物而神者物物則本無去來無知而無
不知也

又按張晏數闕書有兵書無律書而顏師古謂自叙
目錄本無兵書竊意律之為用兵其大者張晏或即

以律書為兵書未可知也其文固太史公之文非後
人所能補蓋以漢武用兵不以律而推原本始舉孝
文以為法殆即所謂兵戒者歟

史記卷二十五考證